

## Carta a los HEBREOS

### *Ī macu s̄uorine ĩ ocare Dios ĩ gotimasiore queti*

<sup>1</sup> Tirũm̄jũ cojõji me mani ñic̄uare Hebreo masare ĩnare gotimasioñuju Dios. Īre gotirẽtobosariarã s̄uorine ĩnare gotimasioñuju ĩ. Īna gotise rĩ me ĩnare yimasioasiñuju. Gajeye quẽne, ricati ĩnare ĩ yiroticõamasire rãca ĩnare yimasioasiñujarã. To bajiri, “To bajiro t̄uõĩagũ ñagũmi”, yimasioñujarã ĩna, mani ñic̄uã. <sup>2</sup> To bajiri yuc̄uõirema, Dios ĩ mac̄uare manire ĩ cõajare, quẽnaro Diore masiaja mani. Macar̄uc̄uõro, õ vecaye ñajediro ĩ mac̄u s̄uorine tire rujeomasioñuju Dios. Ī mac̄uare ñaami, “Jediro macar̄uc̄uõroayere c̄uõuõc̄uõja m̄u” ĩ yimasir'ĩ. <sup>3</sup> Dios mac̄uare ajitirũn̄rã ĩre masirã ñari, “Rẽtoro ñamasugũ ñagũmi Dios”, yimasiaja mani. Diore masirã ñarãma ĩ mac̄uare masirã. Ī mac̄uare quẽnaro masicõari, “Ī jac̄uare bajirone bajigũ ñagũmi”, yimasiaja mani. Ī mac̄uare ñaami, “Adi macar̄uc̄uõroaye bajim̄uõrũgõato” yirotimasir'ĩ. Īne ñaami, Diore ajitirũn̄rã rojose mani yise vaja manire rijabosacõari, Diorãca ñajedirore rotigũ.\*

*“Ángel mesa rẽtoro ñamasugũ ñaami Dios mac̄u”, yire queti*

<sup>4</sup> To bajiri adirũm̄ari Diorãca rotigũ ñari, Diore moabosarã ángel mesare rẽtoro ñamasugũ ñaami

---

\* **1:3** Jn 1.1-3.

Dios macu. <sup>5</sup> Ī sīgũne ñamasugũ ĩ ñajare, ado bajise ĩre yiyumi Dios:

“Adirãmune yu macu ñari, yure bajiro rotisurocujaja mu”, ĩre yimasĩñuju Dios.

Ángel mesarema, to bajiro ĩnare yibesumi Dios. Gãjerãre quẽne, ti ũnire yibecune ĩ macu sīgũrene tuoĩagũ, ado bajiro yiyumi Dios:

“Ī jacu ñaja yu. To bajiri yu macu ñaami”, ĩre yiyumi.

<sup>6</sup> Ī macu ñamasugũre, adi macarucurojare ĩre cõagũ, ado bajise ĩre yiyumi:

“Ángel mesa quẽne mure rãcubuo jedicõararãma ĩna”, yiyumi Dios.

<sup>7</sup> ĩre moabosarimasa ángel mesare yigu, ado bajiro yiyumi Dios:

“Ángel mesare yu rotijama, yoaro me mino ti vēatuvasere bajiro yoaro mene yure cãdiruarãma. To yicõari, jea ũjuse guaro ti ũjũjẽniore bajiro yure moabosararãma ĩna”, yiyumi Dios, ángel mesa ĩre ĩna moabosarotire yigu.

<sup>8</sup> Ī macu ñamasugũre yigu, ado bajirojua yiyumi Dios:

“Yu macu ñari, Dios ñaja mu. Mu rotise jedibetiruroja. Masare mu rotijama, yu bojarore bajirone quẽnaro rotirucujaja mu.

<sup>9</sup> Yu bojarore bajiro quẽnaro yigu, rojosejua rema yibetirucujaja yituoĩarũgũcaju mu. To bajiro yicacu mu ñajare, ‘Gãjerã rẽtoro ñamasugũ ñaja’ mure yaja yu. To bajiro mure yu yijare, bũto variquẽnaja mu”, yiyumi Dios, ĩ macare.

10 Quēna gajeye ado bajise yiyumi Dios, ĩ macure yigũ:

“Rēmojũne adi macarũcũrore rujeomasicajũ mũ.

11 Mũ rujeomasicati jedirone ti jedicoaboa-  
jaquēne, mũjũama, ñacõa ñarũgũrocũ ñaja  
mũ, Dios ñari.

12 Sudi ĩna sãñasũosere vejecõari, gajeye quēnase  
ĩna vasoasãñarore bajiro, adi macarũcũro  
ñase ti jedirore quēna gajeye vasoarũcũja  
mũ. Mũma, rijabetirocũ ñari, mũne ñacõa  
ñarũgũrũcũja mũ”, ĩ macure yiyumi Dios.

13 Quēna, ĩ macũ sīgũrene ado bajise  
yirũcũbũoyumi Dios:

“Rũcũbũoriajaurũ rujiya maji. Mũre ĩaterãre, ‘Ro-  
jose yitũjaya’ ĩnare yũ yiro bero, rojose yima-  
sibetirũarãma. To cõrone rotisũorũcũja mũ”,  
yirũcũbũoyumi Dios, ĩ macure.

Ángel mesarema, to bajiro yibetimasĩnjuju Dios.

14 Ángel mesama, ruyumena ĩre moabosarã ĩ cõarã  
ñarãma. To bajiri, Diore ajitirũnrã õ vecajũ  
quēnaro ĩ rãca ñaronare ejarẽmorã ñarãma ángel  
mesa.

## 2

*“Ī macũ sũorine quēnaro manire Dios ĩ yirotire  
ajitirũnrũ tũjabetiroti ñaja”, yire queti*

<sup>1</sup> Dios macũ ñamasugũ ĩ ñajare, ĩ ocare butobũsa  
ajitirũnrũto mani, tire mani ajitirũnrũ tũjajama,  
“Quēnaro manire Dios ĩ yirotire masiriticõari, ro-  
jose yirobe” yirã. <sup>2</sup> Tirũmũju ángel mesa sũorine,  
Dios ĩ rotimasire Moisére ejamasĩnjuju ti. Tire,  
“Dios ye masu ñañuja”, yimasiaja mani. Tire  
cũdibetimasiriarã ñaboarine, rojose Dios ĩ yirotire

masicōari, bojabetimasiñujarã. To bajiro bajirã ñaboarine, rojose tãm̃o jedicōamasiñujarã ñna. <sup>3-4</sup>To bajiri Dios ï yirere masiboarine, ï rotimasire rētoro quēnasere mani ajitir̃ñu t̃ujajama, “No bajiroj̃ua yicōari rojose manire yibeticōato Dios”, yimasibetir̃uarãja. Rēmoj̃une mani ũju Jesús ñañuju, adirodori Dios ï yarãre quēnaro ï yirotire gotis̃uor'ï. Ìre ajiriarã, ti ocare manire gotir̃etocama ñna. To yicōari, Dios s̃uorine jairo ñañañamanire manire yïlocama. To yicōari, Dios ï bojarore bajiro ñna yimasirotire yig̃u, tocãrãc̃urene ricati r̃ine ï masisere ñnare ũjoyumi Esp'iritu Santo. To ï yijare, manire quēnaro gotimasilocama ñna. To bajiri, “Cristo oca socase mene bajiaja ti”, yimasicoacaj̃u mani quēne.

*Jesu Cristo manire bajig̃u ï ñnare queti*

<sup>5</sup> Diore moabosarã, ángel mesarema, “Adi macar̃uc̃uro jedirore rotir̃uarãja m̃ua”, ñnare yibesuju Dios. <sup>6</sup> Masaj̃uarema, “Adi macar̃uc̃urore rotir̃uarãja m̃ua”, ñnare yimasiñuju. S̃ig̃ũ, Diore ï sēnirere ucag̃u, ado bajise ucamasiñumi:

“Dios, ¿no yig̃u ñamasurã me ỹua ñaboajaquēne, ỹuare masiritibeati m̃u?”

<sup>7</sup> ‘Ángel mesare bajiro bajibeticōato’ yig̃u, ‘Ñamasurã me ñar̃uarãma’, ỹuare yiyuja m̃u. To bajiro ỹuare yicūr'ï ñaboarine, ‘Ñamasurã ñato’ ỹuare yicūñuja m̃u quēna.

<sup>8</sup> ‘Adi macar̃uc̃uro ñase jediro m̃u cūrere rotimasiato’ yig̃u, ỹuare cūñuja m̃u”, yucamasiñuju s̃ig̃ũ, Diore sēnig̃ũ.

“Noaj̃uane masare cudimena manir̃uarãma” Dios ï yire ti ñaboajaquēne, ñajediro manire

caɗijedibeamā maji. <sup>9</sup> To bajiboarine, sīgũ adi macarucuroaye jediro rotimasigũre masiaja mani, Jesús vāme cutigure. Ī bajirere ado bajiro masiaja mani: Ángel mesa rētoro ñamasugũ ĩ ñaboajaquēne, “Yoaro meaca ñamasugũ mere bajiro bajirucami” yigũ, adigodojũre ĩre cõañumi Dios. To bajiro ĩ yicõar'i ñari, manire rijabosayumi Jesús. Rojose tãmuocõari, ĩ rijabosare ñajare, “Jediro uju ñamasugũ ñarucami”, ĩre yiyumi Dios.

<sup>10</sup> Adi macarucuro ñase jediro Dios ĩ rujeore ñaja. Quēnaro ĩ rotimasijare, adi macarucuro bajise jediro bajiñarũgũaja. Jediro Jesucristo suorine, “Yu yarã ñaama” Dios ĩ yiĩarã, “Yu taju ejamasiruarãma”, ĩnare yiyumi Dios. To bajiro yigũ ñari, “Rojose ĩna tãmuoborotire yirētobosaaya” yigũ, ĩ macure cõañumi Dios. To bajiro ĩ yioticõajare, rojose tãmuocõari, manire rijabosayumi Jesucristo. <sup>11</sup> To bajiri, Jesúrãca ñarã ñari, sīgũ rĩare bajiro bajirã ñaja mani. Mani quēne, Dios rĩa mani ñajare, bojonebecune, “Yu bederã ñaama”, manire yigumi Jesús. <sup>12</sup> To bajirone gotiaja Dios ocare masa ĩna ucamasire:

“Mu bajisere yu bederãre ĩnare gotirucuja yu. ĩna rãca rējacõari, mure variquēnarã, basaruarãja yu”, yigotiaja.

<sup>13</sup> Quēna gajeye ado bajise gotiaja, Jesús Diore ĩ yiotire yiro:

“ Yuare ejarēmorucami’ Diore ĩre yituoĩaja yu”, yigotiaja.

Quēna gajeye, ado bajiro gotiaja:

“ Yu rĩare bajiro bajirã ñaama’ Dios ĩ yicana rãca adojũ ñaja yu”, yigotiaja, Jesús ĩ yiotire yiro.

14 Mani, Dios rña, sġgũre bajirone ruġu cãti, ri'i cãti bajiaja mani. To bajiri, Jesũs quẽne, Dios macu ñaboarine, manire bajirone ruġu cãticõari, manire rijabosayumi. To bajiro ĩ bajijama, ĩ rijabosase sũorine rojose tãmuotũjabetiriaroġu masare vãti ĩ varotiboasere tire tegu bajiyumi. 15 Adi macarũcũro ñarã rojose yirã ñari, bajireacõari bero, "Rojose yiecorũarãja" mani yitũoĩagũiiboarere "To cõrone gũitũjato ĩna" yigũ, manire rijabosayumi. 16 To bajiri, "Ángel mesare ejarẽmogũ bajiyumi Jesũs", yibeaja mani. Ado bajiroġuã yimasajaja mani: "Diore Abraham ñamasir'i ĩ tũoĩariarore bajiro tũoĩarãjuare manire ejarẽmogũ bajiyumi", yaja mani. 17 To bajiri manire bajiro ruġu cãticõari rojose tãmuõũmi Jesũs. Adi macarũcũro ñagũ paia uġu ĩ ñagõbosaro rẽtoro ĩ jacũ ĩ ñaroġu ĩ rijabosariarãre "Ñagõbosagusa" yigũ bajiyumi Jesũs. Dios ĩ ĩajama, masa ĩna bajisere quẽnaro gotirẽtobosagu, to yicõari masa rojose tãmuorãre ĩnare ĩamaigũ ñaũumi. ĩne ñaũumi masa rojose ĩna yise vajare "Ĩnare masirioato Dios" yigũ, rojose tãmuocõari, ĩnare yirẽtobosar'i. 18 Cojojirema Dios ĩ bojarore bajiro ĩ yise, bũto josarũgũũju ti, Cristore. To bajiri rojose tãmuõũju ĩ. To bajirone bajiaja manire quẽne. Manire bajiro bajir'i ñari, Diore mani cãdiroti ti josajama, manire ejarẽmomasiãmi Jesũs, "Yũre bajiro ĩna quẽne, Dios ĩ bojasere yato" yigũ.

### 3

*"Moisės rẽtoro ñamasugũ ñagũmi Jesũs", yire queti*

<sup>1</sup> To bajiri, “Jesús manire ejarēmogū ñaami”, yimasiaja mani. Manijua, “Dios ĩ ejarēmose rāca Cristore ĩre ajitirūnaroti ñaja” yimasicōari, ĩre cūdirā ñaja mani. “Yua yarā ñato” Dios ĩ yiriarā ñaja. Jesújua ñagūmi, “Masare quēnaro yua yiotire gotiba” Dios ĩ yicōar'i. To bajicōari, tirūmujua paia ujarā ĩna yisuoadimasire ũnre yigū, Cristo quēne rojose mani yisere “Masirioato Dios” yigū, manire sēnibosagu ñagūmi. To bajiri, “Ñamasugū ñagūmi Jesús”, yituoĭato mani. <sup>2</sup> Adi macarucurojue ñagū Dios ĩ rotirore bajirone yigū, Dios yarā masare quēnaro ejarēmoñumi Jesús. To bajirone yimasiñuju Moisés ñamasir'i quēne. Dios ĩ rotirore bajirone yigū, Dios yarāre quēnaro ejarēmomasiñuju. <sup>3-4</sup> Quēnaro ĩnare ejarēmomasir'i ñaboarine, “‘Rojose mana ñaama’ Dios ĩ yĭarā ñato”, yimasibetimasijuju. Jesújuaama, “‘Rojose mana ñaama’ Dios ĩ yĭarā ñato”, yimasigū ñaami. To bajiro yigū ĩ ñajare, Moisés ñamasir'i rētoro Cristore rucuboroti ñaja. <sup>5</sup> Moisés ñamasir'ijuaama, Dios moarimasue bajiro bajimasiñuju. To bajicōari, Dios ĩ yiotirore bajirone cudigū, Diore ajitirūnarāre quēnaro ejarēmogū ñamasijuju. To bajiro ĩ yimasirere tuoĭacōari, “Cristo suorĭ Dios manire quēnaro ĩ yiotire gotimasiogū yimasiñumi Moisés”, yimasiaja mani. <sup>6</sup> Cristojuaama, Dios moarimasue bajiro me bajiyuju. ĩ ñaami Dios macu, ĩ rotirore bajirone yigū. To bajicōari, Dios yarā uju ñaami Cristo. “Cristo suorĭ quēnaro Dios ĩ yiotire yiecoruarāja mani” mani tuoĭatujabetijama, ĩ yarā ñacōa ñarūgūrjarāja.

*“Diore ajitirānū tujabesa mūa”, yire queti*

7 To bajiri Dios yarā ñari, Cristore ajitirānū tujabeticōato mani. Dios ocare masa ñna ucamasire Dios yarāre gotigū, ado bajiro yimasiñumi Esp'iritu Santo:

“Yucūne mūare yū gotisere mūa ajijama, yū yirotirore bajiro cūdiya.

8-9 ‘Mūare ajitirānūmenaja yūa’ yibesa. Mūa ñicūa yūre jūnisinicōari, ñna cūdibetimasicatire bajiro bajibesa mūa. Mūa ñicūa, masa manojū ñna ñacudiro, jūarā masa cōro ñaricūmari ñaīañamanire ñnare yīorūgūboacajū yū. To yū yiboajaquēne, yūre ajirūcūbūomena ñari, ado bajise yirūgūcama ñna: ‘Mani bojasejūa mani yijama, ¿no bajise manire yirojari Dios?’ yirūgūcama ñna.

10 To bajiro ñna yisere jūnisinicōari, ado bajise ñnare yicajū yū: ‘Yūre ajiterūgūaja mūa. To bajiri, “Ado bajiro tūoīagū ñagūmi”, yūre yimasi-beaja mūa’, ñnare yicajū yū.

11 Quēna gajeye ñnare goticajū yū: ‘Riojo mūare gotiaja yū. Yū rāca quēnaro mūa ñasere bojaboacajū yū. To bajiboarine cojoji me mūajūa yūre mūa ajibetijare, yū rāca quēnaro ñabetirūarāma’ yicōacajū yū”, yigotimasiñumi Dios ī cōagū Esp'iritu Santo.

12 To bajiri mani ñicūa Diore ñna ajitirānū tujamasiriarore bajiro bajibesa yū yarā mūa. Sīgū mani yū, “Dios ocare socase ñaja” ī yisere ajicōari, quēnaro ñre gotimasioña, “Masirētogū Dios yere ajitirānū tujaromi” yirā. 13 Dios ocare gāmerā gotivariquēnaña mūa. “Maji busiyū gāmerā gotiroti ñaroja”, yitūoīabesa, mūa rācana sīgūri vāti



ĩ rotisejũare c̄udicõari, “‘Dios oca socase ñaja’ yiro ma” yirã. To bajiri tocãrãcarũmũne gãmerã goticõa ñarũgũroti ñaja mũare, “Tire ajitirũnũ tũjabeticõato” yirã. <sup>14</sup> Tirũmũjũ, Cristore ĩre mani ajitirũnũsũocatore bajirone ĩre ajitirũnũcõa ñaroti ñaja manire. To bajiro mani bajicõa ñajama, mani bajirearo berojũ õ vecajũ Cristo rãca quẽnaro ñacõa ñarũgũrũarãja mani.

<sup>15</sup> Tire mũare yũ gotirote bajirone gotiaja Dios ocare masa ĩna ucamasire:

“Yucũne mũare yũ gotisere mũa ajijama, yũ yirotirote bajiro c̄udiya. ‘Mũre ajitirũnũmenaja yũa’ yibesa. Mũa ñicũa yũre jũnisinicõari, ĩna c̄udibetimasicatire bajiro bajibesa mũa”, yigotiaja Dios ocare masa ĩna ucamasire.

<sup>16</sup> Mani ñicũa ĩna bajimasirere tũõĩaña mũa quẽna: ¿Ñimarã ñañujari Dios ĩ masune ĩ gotisere ajirã ñaboarine, c̄udibetiriarã? Egipto sitajũ ñarãre, Moisés ĩ ũmato variarãne bajiyuma. <sup>17-18</sup> Juarã masa cõro ñaricũmari, Diore ĩna c̄udibetijare, bũto jũnisiniñuju Dios. ĩnare jũnisinicõari, ado bajiro ĩnare yimasiniñuju Dios: “Riojo mũare gotiaja yũ. Quẽnari sitare mũare yũ ujoũaboacatore ejabetirũarãja mũa”, ĩnare yimasiniñuju Dios. To bajiro ĩ yire ñajare, ti sitajũ ejamenane, masa manojũ ĩna ñacudimasiriarojũne bajireacoamasiniñujarã ĩna. <sup>19</sup> Tire ajicõari, “Diore ajirũcũbũobetiriarã ñari, ti sitajũre ejabesuma”, yimasiaja mani.

## 4

<sup>1</sup> To bajiri mani ñicũa ĩna bajiriarore bajiro bajibeticõato mani. “Yũ yarã, yũ rãca quẽnaro ĩna

ñasere bojaja yu” ñnare Dios ñ yiriarore bajirone yami, manire quēne. To bajiri, quēnaro gāmerā ejarēmoto mani, “Mani jedirone, Diorāca quēnaro ñacōa ñarūgūrāsa” yirā. <sup>2</sup> ñnare Dios ñ yimasiboariarore bajiro manire quēne quēnaro ñ yirotere ajicajū mani. Mani ñicūajūama, Dios ocare ajirā ñaboarine, ñnare ñ gotiriarore bajiro ñna bajibetijare, “Tojū ñaruarāja” ñ yimasiboariarore eja-betimasiniñarā. <sup>3</sup> Manijūama, Diore ñre ajitirānū tūjabeticōato mani. ñre ajitirānūarā rñne ñarāma quēnaro ñ rāca ñarona. To bajiro ti bajijare, ado bajise ñnare gotimasiniñuju Dios, mani ñicūare:

“Riōjo mūare gotiaja yu. Mūare buto jūnisinicōari, yu rāca quēnaro ñabetiruarāja mūa”, ñnare yimasiniñuju Dios, ñre ajitirānūbetiriarāre.

To bajiboarine adi macarūcūore rujeogūjūne, “Masa yu beserā rāca quēnaro ñarūcūja yu”, yitūoñacōamasiñuju Dios. <sup>4</sup> To bajiro ñ yimasirere masiaja mani, Dios ocare masa ñna ucamasire ado bajise ti gotijare:

“Adi macarūcūro ñase jedirore rujeojeocōari, cōjomo cōro, gaje āmo, jūa jēnituarirūmūre quēnaro ñacōamasiñuju Dios”, yigotiaja Dios ocare masa ñna ucamasire.

<sup>5</sup> To bajiri, “Yū ñnare bajirone quēnaro yu rāca ñaruarāma” ñ yiboarere ñna ajitejare, ado bajiro ñnare yimasiniñuju Dios:

“ñYū rāca quēnaro ñabetiruarāja mūa!”, yimasiniñuju.

<sup>6</sup> “Yū rāca quēnaro ñato ñna” yigū, Dios ñ yimasirere ajiriarā ñaboarine, ñ rāca quēnaro ñabetimasiniñarā ñna. To bajiboarine, masa rāca quēnaro ñ ñarotire bojacōa ñnaami Dios. <sup>7</sup> To bajiri mani ñicūa ñnamasiriarā ñ gotirere ajitemasiriarā bero yoatojū

David ñamasir'i Diore ajicõari, ado bajiro ucamasiñuju:

“Yucune mware yu gotisere mua ajijama, yu yirotirore bajiro cadiya. ‘Mure ajitirũnũmenaja yua’ yibesa mua”, yuucamasiñuju David ñamasir'i, Dios oca tutija.

<sup>8</sup> Diore ajitemasiriarã ñna bajireajediro bero, ñna rĩa ñamasiriarã mani ñicware ñnare ãmato vamasinuju Josué ñamasir'i, Dios ñnare ñ ujomasiriarojure. Toju quẽnaro ñamasinujarã ñna mani ñicua. Quẽnaro ñaboarine, Diorãca quẽnaro ñna ñabetijare, ado bajiro yimasiñuju Dios: “Yucune mware yu gotisere mua ajijama, yu yirotirore bajiro cadiya”, ñnare yimasiñuju quẽna. <sup>9</sup> To bajiri mware yu gotisere ajicõari, ado bajiro ajimasirãja mua: “Dios yarã, ñ rãca quẽnaro ñna ñacõa ñarotire bojacõa ñagũmi”, yimasirãja mua. Diorãca quẽnaro mani ñnase ado bajiro bajiaja: Dios adi macarucuro rujeogajanocõari, quẽnaro ñacõamasiñuju. Tire bajirone bajiroja, Diorãca quẽnaro mani ñacõa ñnase quẽne. <sup>10</sup> Adi macarucuro ñnase jediro rujeogajanoacu, ñ bojarore bajiro ti bajirotirore masicõari, quẽnaro ñacõamasiñuju Dios. Ñre bajiro quẽnaro ñarucumi, “Ado bajiro mu yijama, yu rãca quẽnaro ñarucuja mu” Dios ñ yirotisere cadigũ quẽne. <sup>11</sup> To bajiri ñ rãca quẽnaro mani ñasere Dios ñ bojajare, quẽnabusaro ñre ajitirũnũto mani, “Ñ rãca quẽnaro ñarãsa mani” yirã. Mani ñicua Diore ajitirũnũbeticõari, ñ rãca quẽnaro ñna ñabetimasiriarore bajiro bajibetiroti ñnaja manire.

12 “Dios oca ñamasuse ti ñajare, ajitirũnucõa ñaroti ñaja”, m̄are yigotiaja ȳ. Masijeoḡũ ñajare, “To bajiro bajir̄aroja” í oca ti yigotirore bajirone bajir̄aroja ti. Jariase j̄ajacat̄aj̄une b̄jariase mani us̄j̄u ti ejarore bajiro bajaia Dios oca, mani ajise. To bajiri, mani t̄oĩase, “Masibec̄umi Dios” mani yiboasere quẽne ñamasigũ ñaami Dios. Í oca s̄orine, “Rojose ñaja; quẽnase ñaja”, yit̄oĩamasiaja mani. 13 Disej̄ua Dios í rujeorere ñre yayiomasiña manoja. To bajiri, disej̄uane mani yise, mani t̄oĩase quẽne, í masibeti manoja. Í ñagũmi, ñajediro mani yisere mani gotiroc̄u.

*“Paia ɱj̄ũ r̄ẽtoro ñamasugũ ñagũmi Cristo”, yire queti*

14 Cristo, paia ɱj̄ũ r̄ẽtoro ñamasugũ ñagũmi. Dios mac̄u ñari, í t̄aj̄ũ manire ñagõbosaḡũ ñagũmi. To bajiri, ñre ajitirũnũ t̄aj̄abeticõato mani. 15 “Cristo adi macar̄uc̄aroj̄ũ ñarõ, Dios í bojabetire yato” yiḡũ, manire í yicoderũgũrore bajiro Cristore quẽne rojosere ñre yirotirũgũboayuju Satanás. To bajiboarine rojose yibesuju Cristo. “Ȳare quẽne rojose yirotirũgũc̄ami Satanás; ñnare quẽne to bajirone yami” yimasigũ ñari, “Dios í bojarore bajiro ñna yir̄uaboase ñnare josaja ti” yiḡũ, manire ñamaicõa ñagũmi. Manire ñamaicõari, paia ɱj̄ũ r̄ẽtoro ñamasugũ ñari, “M̄are ajitirũnũ t̄aj̄abeticõato ñna’ yiḡũ, ñnare ejarẽmoña”, í jac̄are manire yis̄enibosarũgũgũmi. 16 To bajiri mani quẽne, Diore gũimenane, s̄eniroti ñaja. ñre mani s̄enijama, rojose mani yise vaja rojose manire í yiborotire manire ñamaicõari, yibetir̄uc̄umi. No bojarij̄une

ĩ ejarẽmosere mani bojajama, quẽnaro manire ejarẽmoucmi.

## 5

<sup>1</sup> Mani ñicua ñna ñarirodore ñamasĩñuju paia uju ñamasugũ, Dios ĩ beser'i, "Masare ejarẽmoato" yigu, ĩ cũr'i. Ado bajiro yirũgũmasĩñuju: Vaibucurã ĩre ñna ĩsere quẽne boca juacõari, soemobosarũgũñuju, rojose ñna yisere "Ñnare masirioya mu" ñnare yisẽnibosagu. <sup>2</sup> ĩ quẽne, manire bajirone bajigu ĩ ñajare, Dios ĩ rotise yimasijeogu me ñamasĩñuju ĩ. "Yure quẽne josaja" yituoĩagũ ñari, "Gãjerã Diore ajitirũnrãre, to bajirone bajiroja", yĩamainuju. <sup>3</sup> Manire bajirone rojose yigu ñari, "Rojose yu yise vaja yure masirioato Dios" yigu, gãjerãre ĩ sãnibosaroto rĩjoro, ĩ quẽne vaibucu rii soemouũgũñuju. <sup>4</sup> Nijũane, "Yu ñagũsa paia uju", yibetimasĩñuju. Gãjerã quẽne, "Ĩ ñato", yibesujarã. Dios sĩgũne, "Mu ñarucuja paia uju ñamasugũ", yimasigũ ñamasĩñuju ĩ. To bajiri, Aarõn ñamasir'ire, "Paia uju ñaĩa", ĩre yicũsomasiñuju Dios. <sup>5</sup> To bajirone ĩre yiyumi Jesucristore quẽne. Dione ĩre cũñumi. To bajiri ado bajise ĩre ĩ gotirotire ucamasĩñuma masa:

"'Adirãmũne yu macu ñari, yure bajiro rotisouucuja mu' yami Dios", yucamasĩñuma ñna, Cristore, Dios ĩ gotirotire yirã.

<sup>6</sup> Gajeye ĩ macure ĩ gotirotire ado bajise yucamasĩñuma ñna:

"' "Masa rojose ñna yisere ñnare masirioya" ñnare yisẽnibosagu ñarucuja mu' mure yaja yu. 'Paia uju ñamasugũ Melquisedec ĩ bajicatore

bajiro bajirucɔja mɔ' mɔre yaja yɔ", yiuca-  
masiñuma ña, ñ macɔre Dios gotirotire yirã.  
7 Cristo, manire bajiro rujɔ cɔticɔari, adigodojɔ  
ñagũ ñ bajirocaroto rĩjoro, Diore bɔto sɛnirũgũñuju  
ĩ. Otigune, ado bajise jacase sɛniñuju ĩ: "Cacɔ,  
'Yɔre sãabeticɔato ña' yigɔ, yɔre ejarẽmoña. To  
bajiboarine, mɔ bojarore bajirone bajirucaroja",  
yiyuju Cristo, ñ jacɔre. ĩ rotirore bajiro yigɔ ñ ñajare,  
ĩre ajicɔari, "Yɔ bojarore bajirone bajiato" yigɔ, ĩre  
ejarẽmoñuju Dios. 8 Dios macɔ ñaboarine, rojose  
tãmɔoñumi Cristo. "Rojose tãmɔoarine, Diore  
cɔdicɔa ñaroti ñaja", yitɔoĩañuju. To bajiro bajica  
yigɔ, ñajediro Dios ñ rotirore bajirone yiyuju Cristo.  
9 ĩ rotirore bajirone ñ cɔdijeocɔajare, "Mɔ sɔori ña  
rijato berojɔ, mɔ rãca ñacɔa ñarũgũrɔarãma ña,  
mɔre ajitirũnarã", ĩre yiyuju Dios. 10 To bajiri,  
"Paia ɔjɔ ñamasugũ Melquisedec ñamasir'i ñ baji-  
catore bajiro bajirucɔja mɔ" Dios ñ yir'i ñagũmi  
Cristo.

*"Jesucristore ajitirũnɔ tɔjabetiroti ñaja", yire  
queti*

11 "Tirũmɔjɔ paia ɔjarã ña yisɔoadimasire ñnire  
yigɔ ñaami Cristo" yɔ yigotirẽmɔrɔaboase jairo  
rɔyaja maji. Tire ajimasijeomenaja mɔa, bɔto  
mɔare ti josajare. 12 Tirũmɔjɔ, Cristore ĩre aji-  
tirũnɔsɔocajɔ mɔa. To bajiri tire quẽnaro buecɔari,  
bɔtobɔsa ñ bojarore bajiro mɔa yirũtu vajama, jẽre  
ĩ ocare masare gotimasiocoarona ñaja mɔa. To ba-  
jiboarine, "Maji, josabetijɔare yɔare gotimasiocɔa  
ñaña" yitɔoĩarãre bajiro bajiaja mɔa. 13 Rĩamasa  
ũjurãcare bajiro ñaja mɔa. To bajiro bajirã ñari,  
"Quẽnase ñaja; rojose ñaja" ña yimasibetore bajiro

bajirã ñaja mña. <sup>14</sup> Rĩamasare bajiro me bajiama buñacoanajmama. Tũoĩamasicoana ñari, “Quẽnase ñaja; rojose ñaja” yitũoĩamasicõari, Dios ĩ bojarore bajiro yirã ñaama.

## 6

<sup>1</sup> To bajiri Cristo oca ñamasuse ti ñajare, “Yũ gotisere ajimasiriaro maja mña” yũ yisere gotigũagũ yaja, Dios ĩ bojarore bajiro mña yirotere yigũ. Jẽre Cristo oca josabetibũsasere masiaja mani. Adi ñaja Cristo ye mani buesũocati: “Rojose yitũajacõari, quẽnasejũare yitũoĩaroti ñaja manire” yirere buecajũ mani. “Diore mani ajitirũnũbetijama, rojose tãtũotũjabetiriarojũ varũarãja mani” yirere quẽne buecajũ mani. <sup>2</sup> Gajeye ado bajiro buecajũ mani: “Cristore ajitirũnũrã ñaja yũ” yirãre oco rãca ĩna bautizasere quẽne buecajũ mani. To yicõari, “Esp'iritu Santo, mña rãca ñarũcũmi” yirã, ĩnare ĩna ãmo ñujeosere quẽne buecajũ mani. Quẽna gajeye ado bajise buecajũ mani: “Cristore ajitirũnũrã, bajireacoaboarine, tudicaticõarũarãma” yirere quẽne buecajũ mani. To yicõari, masare Dios ĩ beserotire quẽne buecajũ mani. <sup>3</sup> Ti ñacajũ Dios oca josabetibũsa mani buesũocati. To bajiri, josasere quẽne buemasicõari, bũtobũsa ĩ bojarore bajiro yirũtuajaro mani, Dios ĩ bojajama.

<sup>4-6</sup> Sĩgũri Dios ocare ajitirũnũrã ñarãma maji. To bajicõari, Esp'iritu Santore cũorã ñarãma. To yicõari, Dios ĩ bojasere yirã ñarãma. Dios ĩ masise rãca ĩalañamanire yĩioecoriarã quẽne ñarãma. To bajiro yirã ñaboarine, ĩna ajitirũnũ tũjajama, jũaji ajitirũnũbetirũarãma. To bajiro ĩna bajijama, Jesucristore ĩatecõari, yucãtẽrojũ ĩre jajuturiarã ũnane ñarã

bajirãma ñna. To bajiro ñna bajijare, gãjerã quêne Dios ocare ajicõari, quẽnaro ote vãnari sitare bajiro bajaia mani” yigũ, ado bajise mũare gotiaja yũ: Vese ote ñarivesere oco ti quediõ bero ote quẽnaro ti vãnũrore bajiro bajiroti ñaja manire. To bajicõari, ti sitajũre ote vãnũcõari, quẽnaro ti rica cutijama, variquẽnagũmi ti vese mũũ. To bajiri, ote rica cuti vese ã ãvariquẽnarore bajiro manire quêne ãvariquẽnagũmi Dios, ã ocare ajicõari, ã bojarore bajiro mani yijama. <sup>8</sup>To bajicõari, gajejũma vese yiriajũ sita quẽnabeto ñari, oco ti quediboa-jaquêne, ote vãnũbetone, vidise rĩne ti judijama, “Sita quẽnabeto ñaja” yigũ, tire soereacõagũmi ti vese mũũ. Tire bajirone Dios ocare ajiboarine, ajitirũnũ tũjacõari, ã bojabetire ñna yijama, rojose tãmũotũjabetiriaroju ñnare reacõarũcũmi Dios.

*“Yũre yirẽtobosarũcũmi Cristo’ mani yitũoĩacõa ñajama, quẽnaja”, yire queti*

<sup>9</sup>“Ado bajiro bajirãma Cristore ajitirũnũ tũjarã” mũare yũ yigotimasiosere, “Mũane ñaja Diore ajitirũnũ tũjarona” yigũ me yaja yũ. Quẽnaro mũa yirere ajicõari, “Jesucristo sũori Dios yarã ñarãma”, mũare yaja yũ. To bajiro mũare yimasicõari, “Bũtobũsa Dios ã bojarore bajiro yirũtu varũarãma ñna”, mũare yaja yũ. <sup>10</sup>Quẽnaro riojo yigũ ñaami Dios. To bajiro yigũ ñari, ã bojarore bajiro quẽnaro mũa yirere masiritibetirũcũmi. To bajiri, gãjerã Dios yarãre mũa ejarẽmorere ajicõari, “Diore rũcũbũorã ñarãma”, mũare yimasiaja yũ. Ñnare ejarẽmocõa ñarãja mũa maji. Tire quêne masiritibetirũcũmi Dios. <sup>11</sup>To bajiro quẽnaro



mua yirũgũse quẽnaja ti. Variquẽnase rãca Dios ocare ajitirũnu tujamenane, ñajediro quẽnaro mua yirũgũrore bajirone gãmerã yicõa ñarũgũroti ñaja. To bajiro mua yicõa ñajama, “Cristo sũori quẽnaro manire yirũcũmi Dios” mua yitũoĩarore bajirone muare yirũcũmi. <sup>12</sup> Dios ocare ajiterãre bajiro mua bajisere bojabeaja yũ. To bajiri, “Bajirũaroja” ñnare ã yirere ajitirũnu tujabetiriarãre bajirojũa bajiya mua quẽne. Ñnare bajiro mua bajijama, muare ã gotiriarore bajirone muare quẽne yirũcũmi Dios.

<sup>13-14</sup> Abraham ñamasir'i ã bajimasirere tũoĩaña mua. “Gãji yũre bajiro yigũ magũmi” yitũoĩagũ ñari, ado bajiro ãre gotimasĩũju Dios: “Mũre socabeaja yũ. Jãjarã jãnerabatia cutirũcũmi’ mũre yaja yũ”, ãre yimasĩũju Dios, Abraham ñamasir'ire gotigũ. <sup>15</sup> “Ï yirore bajirone yigũ ñaami Dios” yigũ ñari, “Socũ yigũmi” yitũoĩarejaibetimasĩũju Abraham, Dios ã yirotire yugũ. To bajiri, Dios socabecũ ã ñajare, “To bajiro bajirũaroja” Abrahamre ã yimasiriarore bajirone bajimasĩũju ti. <sup>16</sup> To bajiri, manijũama, “Socũ me yigũmi’ gãjerã yiajiato” yirã, masa rẽtoro ñamasugũ Dios vãme rãca yirũgũrãma. To bajise ñna yijama, “Socũ me yaja. Dios quẽne masigũmi”, yirũgũama. To bajiro ñna yisere ajicõari, “Socarã me yama”, yitũoĩarãma masa. <sup>17</sup> To bajiri, “Socũ me yigũmi Dios. Ñ yirore bajirone yigũ ñagũmi’ Abraham yũre yiajiato” yigũ, “Mũre socabeaja yũ”, yimasĩũju Dios. <sup>18</sup> Socagũ me ñaami. “Yirũcũja” ã yirore bajirone yigũ ñaami Dios. To bajiro yigũ ã ñajare, rojose tãmũotujabetiriarojũ mani vaborotire manire yirẽtobosacõari, “Quẽnaro ñnare yirũcũja’ ã yiriarore bajirone manire yirũcũmi”,

yituoñaja mani. 19-20 To bajiro manire Dios ï yire ti ñajare, ï gotiriarore bajiro ti bajirotire tuoñacõa ñato mani. Diore yirũcũbũoriavi yotoriario vajajũa Dios ï ñarisõajũre jãjajacõari, “Rojose ñna yisere ñnare masirioya” yisẽnibosarimasa ñnmasiñujarã paia ujarã. To bajiri, Cristo quẽne, ñna yimasiriarore bajiro yigũ, õ vecajũ Dios ï ñnarojũ ejacõari, “Rojose ñna yisere ñnare masirioya”, manire yisẽnibosa ñnagũmi. Paia uju ñnmasugũ Melquisedec ï yimasiriarore bajirone yigũ, Cristo quẽne, manire sãnibosacõa ñnarucũmi. Manire ï sãnibosa ñnajare, “Dios ï yiriarore bajirone quẽnaro manire yirucũmi”, yimasija mani.

## 7

*“Aarón ñnmasir'i rẽtoro quẽnaro manire yibosagũmi Cristo”, yire queti*

<sup>1</sup> Melquisedec, Salem macana uju ñnmasiñuju. To bajicõari, pai ñnmasiñuju. Ñajediro ujare Diore rũcũbũogũ ñnmasiñuju. Mani ñicũ Abraham ñnmasir'i gaje macariana ujarãre sãareacõari, ï ya macajũare tudiamasiñuju ï. To bajiri ï tudiado, ïre bocagũ, vamasiñuju Melquisedec. ïre bocacõari, ïre sãnibosamasiñuju, “Quẽnaro ïre yato Dios” yigũ. <sup>2</sup> To ï yiro bero, gaje macariana ujarãre sãareacõari, ñna ye gajeyeũni ñnaboare ñna juarere, jũaãmo cõro ñnaritubuari yicũcõari, cojotubua Melquisedec ñnmasir'ire ïsimasiñuju Abraham. “Melquisedec” ti yijama, “Uju quẽnase rĩne yigũ” yire ñni ñnãuju ti. Salem macana uju ñnmasiñuju Melquisedec. “Salem” ti yijama, “Quẽnaro ñnariamaca” yire ñni ñnãuju. To bajiri,

“Quēnaro gāmerã yĩnato mani’ yigũ ñamasĩñuju Melquisedec”, yimasiaja mani. <sup>3</sup> Melquisedec jacua, ĩ yarã quēne, to yicōari, ĩ ruyuarere, ĩ bajirocarere quēne ucare ti maniboajaquēne, “Pai ñamasĩñuju Melquisedec”, yigotiaja Dios ocare masa ĩna ucamasire. To bajise yiucare ti maniboajaquēne, “Diore sēnitujabetirimi”, yaja mani. To bajirone bajiami Cristo quēne. “‘Īnare ejarēmoña’ manire yisēnibosa tujabecumi”, yimasiaja mani.

<sup>4</sup> Abraham ñamasir'i ñamasugũ ĩ ñaboajaquēne, ĩ rētoro ñamasugũ ñamasĩñuju Melquisedec. Gaje macariana ujarãre siareacōari, ĩna ye gajeyeũni ñaboare ĩna juarere, juaãmo cōro ñaritubuari yicũcōari, cojotubua Melquisedec ñamasir'ire ĩsimasiñuju Abraham.<sup>b</sup> <sup>5</sup> Abraham ĩ bajirocaro bero, gajerodoju, “Paia ñaruarãma ĩna Abraham jãnami Lev'i vãme cutigu jãnerabatia”, ĩnare yicũmasiñuju Dios. To bajiri, “Sĩgũ jãnerabatia ñaboarine, ĩna c̄osere, juaãmo cōro ñaritubuari yicũcōari, cojotubua ĩna yũ Lev'i ya jũnanare paiare ĩsiruarãma ĩna”, ĩnare yimasĩñuju ĩ. <sup>6</sup> Lev'i cuti jũnagu me ñaboarine, Melquisedec quēne, Abraham ĩ ĩsire boca juamasĩñuju ĩ. Abraham ñamasir'ire, “Mũ s̄orine adi macar̄sc̄roana ñajedirre quēnaro yir̄sc̄ja yũ”, yimasĩñuju Dios. To bajiro ĩ yir'i ĩ ñaboajaquēne, Melquisedecjua ñamasĩñuju, “Quēnaro m̄are yato Dios” Abrahamre yisēnibosagu. <sup>7</sup> To bajiri, “‘Quēnaro m̄are yato Dios’ yigujua ñaami ñamasugũ”, yimasiaja mani. Tire

**b 7:4** “Gãjerã ĩna ĩsire boca juarã, ĩsirã rētoro ñamasurã ñaama”, yituoĩañujarã hebreo masa.

masirã ñari, “Abraham rëtoro ñamasugũ ñamasiñuju Melquisedec”, yimasiaja mani. <sup>8</sup> Gajeyere quëne tɔoĩaña mɔa. Adirũmuri ñarã paia, Lev'i jānerabatia, manire bajirone bajirearɔarãma ñna quëne. Melquisedecɔarema, “To cõro bajirocamasiñuju”, yigotibeaja Dios ocare masa ñna ucamasire. To bajiri, “Bajirocabetirimi”, yicõaja mani. <sup>9-10</sup> Abraham ñamasir'i, Melquisedere ã ãsirone, ã jānerabatia quëne beroju ruyuarona ñari, ñna quëne ãre ãsirãre bajiro yimasiñujarã. To bajiri Lev'i cãti jũnana quëne, Abraham jānerabatia ñari, Melquisedere ã ãsirone, ñna quëne ãsimasiñujarã. To bajiri, “Lev'i cãtijũnana rëtoro ñamasugũ ñamasiñumi Melquisedec”, yimasiaja mani.

<sup>11</sup> “Lev'i jānerabatia ñarɔarãma paia”, yimasiñuju Dios. Sĩgũ Lev'i jānami ñamasiñuju Aarõn vãme cãtigɔ, paia ɔju ñamasugũ, Dios ã cũɔomasir'i. To bajiri Aarõn, Lev'i jānami ã ñajare, “Aarõn rëtoro ñamasugũ ñamasiñuju Melquisedec”, yimasi-aja mani. Lev'i jānami Aarõn, ñna jānerabatia quëne, Diore rũcɔbɔorã masa ñna ãsisere ãnare yibosarimasa ñnacoadimasiñujarã ñna. Tire boca juacõari, Diore rũcɔbɔorã tire soemɔomasiñujarã ñna. “Rojose ñna yise vaja, rojose ãnare yibesa” masare yisẽnibosarimasa ñnacoadimasiñujarã. To bajiro ñna yiboajaquëne, Diojɔa ã ãajama, rojose ñna yire ti ñacõajare, “Rojose mana ñnaama”, ãnare yĩãbetimasiñuju Dios. To bajiro ti bajijare, paia ɔju ñamasugũ Melquisedere bajiro bajigare, ã macɔre cõañumi Dios, “Masare yirëtobosato” yigɔ. <sup>12</sup> ãre ã cõaro bero, “Masa rojose ñna yise vaja, rojose ãnare yibesa” yibosarimasa bojabesuju Dios.

To yicōari, Moisére ï roticūmasirere ïna yiboarere quēne bojabesuju. <sup>13-14</sup> Adigodoju manire bajiro rujū caticōari ruyuyaju mani ujū Cristo, Judá ñamasir'i cūtijūnagu. To bajiboarine, Judá jānerabatiarema “Paia ñabetiruarāma”, yimasiñuju Moisés ñamasir'i. To bajiri, Cristo rījorojūre Judá jānerabatiama, sīgūjūane paia ñabetimasiñujarā.

<sup>15-16</sup> To bajiri, “Lev'i jānerabatia rīne paia ñaruarāma” Dios ï yimasire yigu me, paia ujū Melquisedere bajiro bajiyumi Cristo. Tudicaticōari, rijabetirocū ñari, bajiyumi. To bajiro bajirocū ñari, “Paia ujū ñamasugū Melquisedere bajiro bajiyumi Cristo”, yimasiaja mani. <sup>17</sup> Dios ï macūre ado bajiro ï gotirotire masa ïna ucamasire ti ñajare, “Paia ujū ñamasugū Melquisedere bajiro bajicōa ñarucūmi Cristo”, ïre yimasiaja mani:

““Rojose ïna yisere ïnare masirioya”, ïnare yisēnibosa tūjabetirocū ñaja mū' mūre yaja yū. ‘Paia ujū ñamasugū Melquisedec ï bajimasicatore bajiro bajiñarucūja mū' ïre yigotiyumi Dios, ï macūre”, yaja ti Dios ocare masa ïna ucamasire.

<sup>18</sup> Dios, Moisére ï roticūmasiriaro cōrone ïna cūdijeocōabojajuquēne, “Rojose mana ñaama”, ïnare yīābetiborimi Dios. To bajiri Moisére Dios ï roticūmasire, vaja manire bajiro bajiyuja ti. <sup>19</sup> To bajiro ti bajijare, Moisére ï roticūmasire vasoayuju Dios. Mame ï vasoarejūama, ado bajiro bajiaja: Manire Cristo ï rijabosare sūorine, “‘Rojose mana ñaama’ manire yīāgūmi Dios” yimasirā ñari, variquēnase rāca ïre sēnirūgūaja mani. To bajiro ti bajijare, “Tirāmūaye Moisére Dios ï roticūmasire

rētoro quēnase ñaja adirodoriaye”, yimasiaja mani.

20-21 To bajiri, ĩ macu Cristore, “Paia ɯjarā rētoro ñamasugū ñarucuja mu” yigu, ado bajiro ĩre yiyuju:

“Mure socabeaja yu. “Rojose ĩna yisere ĩnare masirioya”, ĩnare yisēnibosa tujabetirocu ñaja mu’, mure yaja yu”, ĩre yiyuju Dios, ĩ macure.

Gājerārema “Paia ɯjarā ñaruarāja muu” yigu ñaboarine, ti ũnire yibetimasiniuju Dios. 22 Tire mani ajjama, “Jesucristo sɯorine Dios ĩ gotiriarore bajirone quēnaro manire yirucumi”, yimasiaja mani. 23 Tirāmɯaye Moisére Dios ĩ roticūmasire rucubɯorā, jājarā paia ñamasiñujarā. To bajicōari, ĩna bajireajaquēne, ĩnare moavasoarona jājarā ñarūgūmasiniujarā. 24 To bajiboarine, Cristojurema, tudirijabetirocu ĩ ñajare, “Īre moavasoarocu magūmi”, yimasiaja mani. 25 “Jesucristo sɯorine Diore ajitirūnarāre, rojose ĩna yisere ‘Masirioato Dios’ yigu, Dios ĩ ñaroju, ĩnare sēnibosacōa ñarūgūgūmi, tudirijabetirocu ñari”, yimasiaja mani.

26 To bajiri tirāmɯju paia ɯjarā ĩna yisɯoadimasire ũnire yigu, Cristo quēne rojose mani yisere “Masirioato Dios”, manire yisēnibosarūgūgū ñagūmi. Cristo ñañumi masa rojose ĩna yirore bajiro yibecu. Quēnase rīne yigu ñañumi. To bajiro bajir'i ĩ ñajare, Dios ĩ ñaroju, “Rētoro ñamasugū ñarucuja mu” Dios ĩ yir'i ñagūmi.

27 Paia ɯjarā ñamasurā ĩna yimasiriarore bajiro yigu me ñagūmi Cristo. ĩnajuama, tocārācarūmane vaibucurāre ślacōari, soemɯomasiñujarā, “Rojose yu yisere masirioya” Diore yirā. To yicōari, ĩna yarāre quēne rojose ĩna yirere “Īnare masirioya

Dios”, ĩnare yisēnibosarũgũmasiñujarã ĩna. To bajiboarine, Jesũjama, mani jedirorene cojojine rijabosayumi, rojose mani yisere “Masirioato Dios” yigũ. <sup>28</sup> Moisére Dios ĩ roticũmasire, “Paia ɯjarã ñamasurã ñarɯarãma” ĩ yire ti ñaboajaquēne, manire bajirone ĩna quēne tire ɯdijeobetiriarã ĩna ñajare, “Rojose mana ñaama”, yĩľabetimasĩuju Dios. To bajiboarine ĩ macɯjarema, quēnase rĩne yir'i ĩ ñajare, “ ‘Rojose ĩna yisere masirioya mɯ’ ĩnare yisēnibosacõa ñarũgũrocɯ ñaja mɯ”, ĩre yiyuju.

## 8

*“Cristo, õ vecajɯ manire sēnibosa ñagũmi”, yire queti*

<sup>1</sup> “To bajirone bajigumi Cristo, õ vecajɯ Diorãca ĩ rotiñarojɯ”, mɯare yaja yɯ. <sup>2</sup> Tojɯre ejacõari, “Rojose mani yisere masirioya”, manire yibosa ñagũmi Cristo, Dios ĩ ɯariavijɯre.

<sup>3</sup> Tocãrãcɯ paia ɯjarã ñamasurã ado bajiro yiyuma: Rojose masa ĩna yisere, “ĩnare masirioya Dios”, yisēnibosayujarã ĩna. To yicõari, Diore rãcɯɯorã masa ĩna ĩsere boca juacõari, ĩnare yibosayujarã. To bajiro ĩna yire ũnirene yigũ, Cristojama, manire rijabosayumi, rojose mani yisere manire yirētosagũ. <sup>4</sup> Yucuri ñarã paia, Moisére Dios ĩ roticũmasiriarore bajirone yicõa ñarãma. To bajiri Cristo, adigodojɯ ĩ ñacõajama, ĩnare bajiro yibecɯ ĩ ñajare, “Pai me ñaami”, ĩre yiborãja mani. To bajiboarine, õ vecajɯ Dios ĩ ñarojɯ, “ ‘Rojose ĩna yisere masirioya’ manire yibosagũ ñagũmi”, yimasiaja mani. <sup>5</sup> “Mani rãca ñagũmi Dios” masa ĩna yirũcɯɯorotivire

Moisés ñamasir'i ĩ buarotiroto rĩjoro, ado bajiro ĩre yimasiñumi Dios: “Gũtaũ joejũ mũre yũ ĩocativire bajirivine buarotiya”, yimasiñuju Dios, Moisés ñamasir'ire. To bajiri, “Mani rãca ñagũmi Dios” masa ĩna yirũcũbuorivire ĩna buajama, Moisére Dios ĩ ĩomasirivire bajirivine buamasiñujarã. <sup>6</sup> Paia ujarã ñamasurã Dios ĩ rotimasire cũdimasiriarã ĩna yirũgũmasire rẽtoro quẽnaro manire yibosarũgũgũmi Cristo. To bajiri, “‘Quẽnaro mũare yirũcũja yũ’ Moisére Dios ĩ yicũmasire rẽtoro quẽnase ñaja adirodoriaye”, yimasiaja mani.

<sup>7</sup> Moisére Dios ĩ yicũmasire rẽmojũne quẽnase ti ñacõajama, gajeye mamejũare vasoabetiborimi Dios. <sup>8</sup> Moisére Dios roticũmasire masa ĩna cũdijeobetijare, ĩavariquẽnabetimasiñuju Dios. To bajiri, “Ado bajiro ĩnare gotiya”, yimasiñuju ĩ:

“Mani uju Dios, ado bajiro mũare gotiami: ‘Quẽnaro ajiya mũa. Cojorũmũ mame mũare vasoabosarũcũja yũ, Israel vãme cũi sitanare, Judá vãme cũi sitanare’, mũare yami.

<sup>9</sup> ‘Egipto sitaju ñarãre Israel sitajuã ĩnare ũmato vacũ, quẽnaro ĩnare gotiboacaju yũ. To bajiboarine, yũ yicatore bajiro ĩna cũdibetijare, “Yũ yarã me ñaama”, ĩnare yicaju yũ. To bajiri, mame yũ vasoarotijũama, mũa ñicũare yũ gotimasicatore bajiro me bajirũaroja’ mũare yami Dios mani uju.

<sup>10</sup> ‘To bajiri, Israel ñamasir'i jãnerabatiare mame yũ vasoaroti, ado bajiro bajirũaroja: “Yũ masiswa sũorine yũ rotisere tũoĩamasirũarãma”, ĩnare yirũcũja yũ. To bajiro yũ yisere bojarã



ñari, quēnaro yirũgũrũarãma. To yicõari, yũ sĩgũne ñna ɲɲũ ñna yirũcũbũogũ ñarũcũja yũ. To bajiri ñnajũa quēne yũ yarã ñarũarãma' mũare yami Dios.

11 'Yũ yarã ñari, rĩamasa quēne, bũcurã quēne, ñna ñaro cõrone, yũre masijedicoarũarãma ñna. To bajiri, "Ado bajiro tũoĩagũ ñaami Dios", gãmerã yimasiorã manirũarãma', mũare yami Dios.

12 'Ñnare ñamaicõari, rojose ñna yisere yũ masiri-ojama, "Rojose yiriarã ñaama", jũaji ñnare yitũoĩabetirũcũja yũ. To bajiro ñnare yũ yiroti ti ñnjare, yũre quēnaro masirũarãma ñna' mũare yami Dios", yimasiñuju, Diore gotirẽtobosamasir'i.

13 "Mame oca quēnase vasoarũcũja" Dios ñ yijama, tirũmũjũ ñ yimasiboarere reagu yigũmi. To bajiri, "Tirũmũayejũma vaja manoja", yimasiaja mani.

## 9

*"Cristo, quēnaro manire yibosagũmi" yire queti*

1 "Adigodojũ ñarã yũre rũcũbũorã mũa rẽjarotivire mũa bũasere bojaja yũ", Moisés ñamasir'ire ñre yimasiñuju Dios. 2 To bajiri ñ rotiriavire bajirone bũamasiñujarã ñna. Ti vi gũdarecore sudirone yotoriavi ñamasiniuju. To bajiri, ejasũoriasõa Diore rũcũbũoriasõa vãme cõtĩmasiniuju. Tisõajũ sĩabusuoriabajari jeoriajũ ñamasiniuju ti. To yicõari, Diore ñsiroti pan jesariju quēne ñamasiniuju. 3 Gajesõa, Dios ñ ñarisõa vãme cõtĩmasiniuju. 4 Tisõajũre, ñamasiniuju Diore rũcũbũorã, ñna soejama, quēnaro sũtiquēnase

soemoriajũ. “Dios ĩ ñari sōagajũ ñaja” ĩna yiboajaquẽne, ejasũoriasōajũarene ñacōamasiñuju ti. To bajicōari, Dios ĩ ñarisōajũre ñamasiñuju rujajata orone ĩna quẽnorajata. “Dios ĩ rotirere cãdiroti ñaja” yirã, ĩna quẽnorajata ñamasiñuju. Tijatajũre adocãrãca vãme sãñamasiñuju: Orone ĩna quẽnorã sotũ sãñamasiñuju. Ti sotũjũre bare manã vãme cãti Dios ĩ cōare sãñamasiñuju. To bajicōari, Aarón ĩ tuemasir'i quẽne ãcatuar'i sãñamasiñuju. To bajicōari, jũajãĩ gũtajãĩ Dios ĩ rotimasire ĩ ucamasiriajãiri quẽne sãñamasiñuju. <sup>5</sup> Tijata joere rũgõmasiñujarã Diorãcana vũrã querubines vãme cãtirãre bajirã masa ĩna quẽnomasiriarã. ĩna ñamasiñujarã, “Adijũ ñaja masa rojose ĩna yisere Dios ĩ masiriorijũ” yigotirã. ĩna querũjũri rãca gãmerã ñucãnamucōari, rũgõmasiñujarã ĩna. Yucũrema ti viaye bũto gotire maja ti.

<sup>6</sup> To bajiboarine, Diore rũcũbũoroti ti ñajedicōajare, tocãrãcarũmũne Diore rũcũbũorã sãjajarũgũmasiñujarã paia, ñasũorisōare. <sup>7</sup> Paia mũũ ñamasugũ rĩne jãjarũgũmasiñuju, Dios ĩ ñarisōa vãme cãti sōajũre. Tocãrãca cũmare cojojine jãjamasiñuju. Jãjacōari, ĩ masu rojose ĩ yirũgũrere, to yicōari, ĩ ñarimacana, “Rojose yirã yaja yũ” yitũoĩamenane, “Rojose yũ yirũgũrere masiriobosato Dios” yigũ, vaibũcũrã ri'ire juajãjarũgũmasiñuju. <sup>8</sup> “Paia mũũ ñamasugũ rĩne Dios ĩ ñarisōare jãjamasiami”, yimasĩñujarã. Tire ĩna tũoĩajama, Esp'iritu Santo ĩ ejarẽmose rãca, ado bajirojũ yimasĩñujarã ĩna: “ ‘Mani masune rojose mani yisere yũare masirioya’, Diore yimasibeaja. ‘Paia mũũ ñamasugũ rĩne manire sãnibosagũ ñaami’ yimasiaja mani.

To bajiro rīne bajicōa ñaruarāja mani maji. Dios manire ī sājarotirūm̄ ti ejaroj̄m̄ tisōare jājaruarāja mani”, yimasiñujarā īna. <sup>9</sup> “‘Mani ñicua Dios ī rotimasirere īna ajitirūnarūgūmasire rētoro quēnamasuse ñaja’ mani yituoīamasirotire yiro bajiyuja”, yimasiaja mani. “Mani ñicua, tirūm̄j̄m̄ īna yirūgūmasiriarore bajirone mani quēne, rojose mani yisere, ‘Manire masirioato Dios’ yirā, paire mani soem̄oroticōa ñajama, Dioj̄m̄ ī īajama, ‘Rojose maja īnare’ manire yiīabeticōa ñagūmi”, yimasiaja mani. <sup>10</sup> Tirūm̄j̄m̄ye Dios ī rotimasire ado bajiro bajiyuja: “Adocārāca vāme baruarāja m̄m̄. Gajeyerema babetiruarāja m̄m̄”, īnare yimasiñumi. To yicōari, īna idirotire, īna guarotire, īna āmo coerotire quēne to bajirone yimasiñumi. To bajiro ī yijama, ti ñajediro ī rotimasire mamej̄m̄ ī vasoaroto rījororema, īna ruj̄m̄re īna īatirūnaroti rīne yiḡm̄ yiyumi Dios.

<sup>11</sup> To bajiro ī yimasire ti ñajare, yuc̄rema, “Cristo s̄orine quēnaro yir̄c̄j̄m̄ ya” Dios ī yiri-  
arodo ejayuja ti. To bajiro ī yire ñajare, Cristo manire rijabosacōari, ō vecaj̄m̄ Dios ya vij̄m̄ ñagū vasuju. Ti vij̄m̄ ñacōari, paia m̄j̄m̄ ñamasugū ī sēnibosarore bajiro, “Quēnaro ñato īna” yiḡm̄, manire sēnibosa ñagūmi. To bajiro ī yiīnarivima, adigodo ñarā Diore rūc̄b̄orā īna buariavi rētoro quēnarivi ñaroja. <sup>12</sup> To bajiri Dios ī ñarisōaj̄m̄ jājacōari, cabra rīa rī'i, ta vec̄m̄ rīa rī'i adigodoj̄m̄ ñarā paia m̄jarā Diore īna īsiriarore bajiro yir̄m̄ me, īj̄m̄ama, ī ruj̄m̄ rise s̄orine rojose mani yire vajare cojojine yirētobosajeoc̄ar̄m̄, ō vecaj̄m̄ Dios ī ñarisōaj̄m̄ jājasuju Cristo. <sup>13</sup> Ado bajiro gotiaja Dios ī rotimasire: “Bajirocar'ire moaīabetiruarāja m̄m̄. To yicōari, ‘Ba-

betiruarãja mũa' yu yisere quẽne moaĩabetiruarãja. To bajiro yu yisere mũa cũdibetijama, yure ãna rũcũbũorivire sãjabetiruarãja mũa. To bajiboarine, ta vecũ macũre ãna soese rĩtire, oco rãca abavũore ñasere mũare yayeturũcũmi pai. Tire ĩ yibetijama, hisopo vãme cuti rũju rãca vaibũcũ ri'ine mũare vẽjabate gurũcũmi. To bajiro mũare ĩ yijama, yure rũcũbũoriavire sãjamasiruarãja mũa”, yimasiñumi Dios. <sup>14</sup> “Vaibũcũrã ri'ine mũare ĩ yayeguojama yure rũcũbũoriavire sãjamasiruarãja mũa” Dios ĩ yimasire ti ñaboajaquẽne, “Cristo manire ĩ rija-bosarejũa rẽtoro quẽnase ñaũũja”, yimasiaja mani. Rojose yibetir'i ñari, to bajiro bajiyumi Cristo. Esp'iritu Santo ñacõa ñarũgũrocũ ĩ ejarẽmojare. Cristo manire ĩ rijabosare sũorine, rojose mani yisere masirioũmi Dios. To bajiri, “Rojose maja manire”, yitũoĩaja mani. To bajiro yitũoĩacõari, ñacõa ñarũgũrocũ Dios ĩ bojarore bajiro quẽnaro yirũgũroti ñaja manire.

<sup>15</sup> “Mame mũare vasoarũcũja yu' ĩ yiriarore bajirone bajiato” yigũ, adi macarũcũrojũre Cristore cõañumi Dios. To bajiro ĩ yicõar'i ñari, tirũtmũaye ajirũcũbũoriarãre quẽne rojose mani yisere “Masirioato Dios” yigũ, manire rijabosayumi Cristo. To bajicõari, ĩ rijabosare sũorine “Yũ yarã ñaama” Dios manire ĩ yĩarotire yigũ, bajiyumi. To bajiro ĩ bajibosariarã mani ñajare, “Quẽnaro yirũcũja” Dios ĩ yiriarore bajirone yigũ, mani rijato beroju ĩ rãca mani caticõa ñarotire ĩsiecõrona ñaja mani. <sup>16</sup> Ado bajise tũoĩañũ mũa: Mani yu, ĩ bajiyayiroto rĩjoro, “Ĩne ñaami yu ye gajeyeũni cũosũyarocũ”, yigũmi. To bajiro ĩ yir'i

ñari, ï bajirocato bero, ï yere cʉosʉyagʉmi. 17 Ñ caticõa ñajama, ï masune cʉocõa ñagʉmi maji. Ñ rijato bero, tire cʉomasigʉmi gājjijua. To bajiri, “Ñ gotiriarore bajirone bajiaja”, yimasire ñaja. 18 To bajirone bajimasiñuju, “Quēnaro yirʉcʉja yʉ” Dios ï yimasirere quēne. “Dios manire ï gotiriarore bajirone yato” yirā, vaibʉcʉrāre sīamasiñujarā. 19 Dios Moisés ñamasir'ire ï roticūmasire ñaro cõrone masa jedirore ñnare gotimasiñuju. Tire ï gotiro bero, oveja joa ñna sūorere, hisopo vāme cati rʉjʉjʉ siatucõari, vaibʉcʉrā cabra vāme catirā rīare, ta vecʉ rīare ñna sīariarā ri'ire juacõari, oco rāca ñna vʉorere yosemasiñuju. To yicõari, Dios ï rotimasire Moisés ï ucarijotire vējabate gumasiñuju ï. To yicõari, masa ñajedirore quēne to bajirone yimasiñuju. 20 To bajiro yicõari, masare ado bajiro gotimasiñuju ï: “Dios mʉare ï yirotisere cʉdiroti ñaja”, yimasiñuju Moisés ñamasir'i, mani ñicʉare. 21 “Mani rāca ñagʉmi Dios” ñna yirʉcʉbʉorivire quēne ri'ine vējabate gumasiñuju Moisés. To yicõari, ti viaye ñase jedirore, to bajiro yimasiñuju. 22 To bajiro Dios ï rotimasire ñajare, vaibʉcʉ ñna sīar'i ri'ine vējabate gumasiñujarā ñna. To bajiro ñna yibetijama, ñnare ñavariquēnabetiborimi Dios. To bajirone bajiyuja Cristore quēne. Ñre ñna sīaro, ï ri'i ti budibetijama, “Rojose mani yisere masiriobetiborimi Dios”, yimasiaja mani.

*“Cristo ï rijabosare sʉorine, ‘Rojose mana ñaama’ manire yīañumi Dios”, yire queti*

23 To bajiri, Diore yirʉcʉbʉoriavijʉ ñna sājaro to rījoro, ñna rʉjʉre ñna ye gajeyeñire quēne,

vaibucurã ri'ine yayebate gurotiyujarã mani ñicua. To bajiro yiroticõari, sãjarũgũmasiñujarã ñina. To bajiro ñina yijama, õ vecajũ ñina bajiroti ùnire yirã bajimasiñujarã ñina. To bajiboarine tojũama Dios ye masu ti ñajare, vaibucu ri'i ñina yayebate gurotire ùnirene yiro, rẽtoro quẽnagũ ñ rijabosasere bojayuja. To bajiri, manire ñ rijabosare ti ñajare, “Rojose mana ñacõari, Dios ya vijũ sãjaruarãja mani”, yimasire ñaja. <sup>24</sup> Cristo, manire rijabosacõari bero, tudicaticõari, adi macarucurojũ Diore rucubũoruarã, masa ñina buariavi mere, õ vecagavi Dios ya vijũare sãjasuju Cristo. To bajiri, ti vijũ ñacõari, “Quẽnaro ñato ñina” yigũ, manire sãnibosacõa ñarũgũami. <sup>25</sup> Paia ujũ ñamasugũ adigodoagũma, tocãrãca cãmare cojojine, Dios ñ ñarisõa vãme cuti sõare jãjarũgũmasiñuju, vaibucu ñ sãr'i ri'ire “Masa rojose ñina yisere masirioya Dios”, ñinare yibosagũ. To bajiboarine Cristojũama, õ vecajũ Dios ñ ñarojũre ejacõari, adigodoagũ paia ujũ ñ yimasiriarore bajiro yirũ me, bajiyumi. ñ masu rujũ ri'i suorine yirẽtobosacõari, Dios ñ ñarisõajũre jãjasuju. <sup>26</sup> Adigodoagũ paia ujũ ñ ñamasugũ tocãrãca cãmame “Masa rojose ñina yisere, masirioya Dios”, ñinare yibosarũgũñuju ñ. Cristo quẽne, paia ujũ ñ yirũgũmasiriarore bajiro ñ bajijama, adi macarucuro Dios ñ rujeorijũjũne, cojoji me manire rijabosacõa suoadiborimi. To bajiro me bajiyumi Cristo. Cojojine manire rijabosayumi, “Rojose mana ñaama” manire Dios ñ yĩarotire yigũ. <sup>27</sup> Mani jediro cojojine bajirearona ñaja mani. Mani bajirearo bero, ñ tũjũ mani ejato, rojose yirãre, to yicõari quẽnase yirãre ñabeserucumi

Dios. <sup>28</sup> Cojojine manire ã rijabosare ñajare, jãjarã ñaja mani rojose yibetiriarãre bajiro bajirã. Quëna Cristo, ã tudiejajama, “Rojose mani yisere masirioato Dios” yigũ, me ejarũcumi. “Manire rijabosayumi” yitũoĩarãjũare juagũagũ bajirũcumi.

## 10

<sup>1</sup> Moisés ñamasir'ire Dios ã roticũmasirejũama, “Rojose ñna yisere ñnare masiriojeorũcũja yũ”, ã yire me ñañuja. Berojũ bajirotire bajĩ rĩjoro cõtise ñañuja. To bajiro bajijare, tocãrãca cãmene vaibũcũrãre sĩacõari, “Rojose yũa yisere yũare masirioato Dios” yirã ñna soemũorotiboajaquëne, “Rojose mana ñnaama”, ñnare yĩabesuju Dios.

<sup>2</sup> Vaibũcũrã ñna soemũorotise sũorine, “Rojose mana ñnaama” rëmojũne Dios ã yĩacõajama, “Tudi rojose yũa yisere masirioato Dios”, yibetiboriarãma. <sup>3</sup> Vaibũcũrã rii ñna soemũorũgũse tocãrãca cãmene rojose ñna yirũgũrere tũoĩarotire yiro bajiaja. <sup>4</sup> Vaibũcũrã rii ñna soemũosema rojose masa ñna yisere, masiriose me ñaja.

<sup>5</sup> Vaibũcũrã ri'i, ñna soemũoboajaquëne, rojose ñna yisere Dios ã masiriobetijare, adi macarũcũrojũre ã vadiroto rĩjoro, ado bajiro Diore gotiyuju Cristo:

“Masa vaibũcũ rii ñna soemũosere bojabeaja mũ.  
To bajiri, ‘Masare bajiro rujũ cõtigu ñato’  
yigu, yũre cõañna mũ.

<sup>6</sup> ‘Rojose mani yisere masirioato Dios’ yirã, vaibũcũ rii ñna soemũorotiboasere quëne ãvarequëñabeaja mũ.

<sup>7</sup> To bajiri, ado bajiro mũre yaja yũ: ‘Adone ñaja yũ. Mũ bojasere yirũ masa tũjũ vacũ yaja.

“To bajiro bajirucami” m̄u ocare masa ãna yiuacatore bajirone yir̄u, bajaiaja’ ”, Diore ãre yiyuju Cristo, masare ã rijabosarotire yiḡu.

<sup>8</sup> Quẽna, tirene m̄uare gotiaja ȳu. “‘Rojose mani yisere masirioato Dios’ yirã, vaib̄uc̄u rii ãna soem̄orotiboasere ãvariquẽnabeaja m̄u, m̄u roticũcati ti ñaboajaquẽne”, Diore yiyuju Cristo. <sup>9</sup> Quẽna ado bajise yiyuju Cristo: “M̄u bojasere yir̄u masa t̄uj̄u vac̄u yaja ȳu”, ãre yiyuju. To bajiro ã yijama, ado bajiro ãre yiḡu yiyuju: “Tir̄ũm̄uj̄u Moisére m̄u roticũcatire yit̄uj̄acõari, mamej̄uare masa ãna ajise s̄uori quẽnaro ãnare m̄u yibosarotire bojaḡu bajaiaja ȳu”, ãre yiyuju. <sup>10</sup> To bajiri Dios ã rotiriarore bajirone yiḡu, cojojine manire rijabosayumi. To bajiro ã bajire ñajare, rojose mani yisere masiriocõari, “Rojose mana ñaama”, manire yĩaḡumi Dios.

<sup>11</sup> Jud'io masa, paia, tocãrãcarũm̄urine ãna ye moare ñajare, “Rojose ãna yisere masirioato Dios” yirã, cojoji me vaib̄uc̄urã riire soem̄orũgũrãma ãna. To bajiro ãna yiboajaquẽne, rojose ãna yisere, masiriose me ñaja. To bajiri rojose ãna yisere masiriobec̄umi Dios. <sup>12</sup> Jesucristo, cojojine manire rijabosacõari bero, rojose mani yisere yirẽtobosajeocõagũ ñari, Dios ã rotiñaroj̄u rãcub̄oriajare rujiyuju ã. <sup>13</sup> “M̄are terã ñajediro rotiḡu ñar̄uc̄aja m̄u”, yiyuju Dios. To bajiri, “To bajiro yir̄uc̄aja” Dios ã yirere yuñaḡumi Cristo. <sup>14</sup> To bajiri, Cristo cojojine manire ã rijabosare ñajare, “Rojose mana ñaama”, manire yĩaḡumi Dios. To bajiro ã yijare, “Ñajediro rojose mani yirere,



mani yirotere quēne, manire yirētosajeocōañumi Cristo”, yimasiaja mani. <sup>15</sup> Dios ocare masa ñna ucamasire suorine ado bajise manire gotiami Esp'iritu Santo:

<sup>16</sup> “To bajiri, ñnare mame yu vasoaroti, ado bajiro bajiruaroja: “Yu masise suorine yu rotisere tuoñamasiruarāma”, ñnare yirucuja yu. To bajiro yu yisere bojarā ñari, quēnaro yirügüruarāma’, yami Dios mani uju.

<sup>17</sup> Ñnare ñamaicōari, rojose ñna yisere yu masiriojama, “Rojose yiriarā ñaama”, juaji ñnare yituoñabetirucuja yu’, yami Dios”, yigotiaja Dios ocare masa ñna ucamasire.

<sup>18</sup> To bajiri rojose mani yisere Cristo manire ñ yirētosajeore ti ñajare, rojose mani yisere tudituoñabetirucumi Dios. To bajiri, no yirā vaibucu riire soemñomenaja mani.

*“Diore quēnaro ajitirñnrügüruarāja mani”, yire queti*

<sup>19</sup> To bajiri, Jesús, manire rijabosacōari, rojose mani yisere yirētosar'i ñari, õ vecaju manire sēnibosa ñagūmi. To bajiri güimenane Diore sēnito mani. <sup>20</sup> Tirñmujama Diore yirucubñoriaviju sudigasero yotoriario ñañuju ti, “‘Dios ñ ñarisōa’ vāme cūti sōare jājamasibeamas masa” yññoriju. To bajiro ti bajijare, ñna masune Diore sēnimasimena ñari, paia uju ñ sēnibosare bojarügūmasiñujarā ñna. Yucñrema Cristo manire ñ rijabosare ti ñajare, no mani bojarijune mani masune Diore sēnimasiaja mani. <sup>21</sup> Cristo sñgūne ñagūmi ñamasugū manire sēnibosagu. To bajiro yññagūmi õ vecaju Dios ya vijū ñacōari. <sup>22</sup> To bajiri, tocārñacajine, “Ñ bojarore

bajirone yirɔaja” yirã, Diore sēnirũgũɔarãja mani. “Cristo sɔorine manire ãavariquēnagũmi Dios” yitɔoia tɔjamenane ãre sēnirũgũɔarãja mani. To bajiro ãre yisēnirãne, “Rojose ñaja manire”, yitɔoĩabetirɔarãja mani, Dios, “Rojose mana ñaama” manire ã yĩãñajare. “Manire rijabosayumi Jesús” yirã, oco rãca ãna bautizacana ñaja mani. <sup>23</sup> Cristo oca mani buesɔocatire ajitirũnũ tɔjabetirɔarãja mani. “Quēnaro mɔare yirɔcɔja” Dios manire ã yirere tɔoĩatɔjabetirɔarãja mani, “Yirɔcɔja” ã yirore bajiro yigu ã ñajare. <sup>24</sup> Mani rãcanare ãamaicõari, quēnaro gotirɔarãja mani, “Ïna quēne gãjerãre ãamaicõari, variquēnase rãca ãnare ejarẽmoato” yirã. <sup>25</sup> Cristore ajitirũnrã ñari, rējarũgũroti ñaja, manire. Gãjerã rējarũgũboariã ãna rējatɔjarore bajiro bajibetiroti ñaja, manire. Rējacõari, “Cristore ãre ajitirũnũ tɔjamenasa” yirã, quēnaro gãmerã gotirũgũɔarãja mani, “Yoaro me ejarɔaroja rojose yirãre Dios ã ãabeserirũmũ” yimasirã ñari.

<sup>26</sup> Cristo ocare masiriarã ñaboarine, tire ajitirũnũ tɔjacõari, rojosejɔare mani yicõa ñajama, manire yirẽtobosabetirɔcumi Cristo. <sup>27</sup> To bajiri, rojose manire ã yirotire tɔoĩagũirã rĩne, Dios masare ã ãabeserirũmũ ti ejaro, “Yɔa ɔju me ñaja mũ” ãre yirã rãca rojose tãmɔotɔjabetiriaroju vaborãja mani. <sup>28</sup> Tirũmɔju Dios ã rotimasirere sũgũ tire ã cɔdibetijama, ado bajiro bajimasiñuju: Juarã ñacõari, “Rojose yimi” ãre yirã ãna ñajama, ãre ãamaimenane, Dios ã rotiriarore bajirone yirã, ãre sãmasiñujarã ãna. <sup>29</sup> To bajiro bajimasire ti ñajare, yucɔrema mame ã vasoarere ajitirũnrã

ñaboarine, “Dios macu me ñarimi Jesús; manire rijabosabetirimi” ña yijama, ñare maigũ Esp'iritu Santore rojose ñagõrã yirãma. To bajiri bũto rojose tãmuoruarãma. “Manire rijabosabetirimi Jesús” ña yise ti ñaboajaquẽne, ñ rijabosare sũorine, “Rojose ña yisere masiriocõari, quẽnaro yirucaja yu” masare Dios ñ yimasiriarore bajirone bajiyuja.  
<sup>30</sup> Rojose ña yise vaja bũto rojose ña tãmuorotire masiaja mani, Dios ado bajiro ñ gotirere masa ña ucamasire ti ñajare: “Yũne ñaja masa rojose ña yise vaja rojose ñare yirocu. Yu sũgũne riojo tire yimasigũ ñaja yu”, yigotiaja. Gajeye quẽne, ado bajise gotimasiñumi Dios: “Yu ñaja yu yarã rojose ña yijama, ñare rojose yirocu”, yigotimasiñumi Dios. <sup>31</sup> Caticõa ñarũgũrocu, Dios, rojose yirãre ñajũnisinicõari, rojose ñare ñ yiroti, gũiose masu ñaruarõja ti.

<sup>32</sup> Dios ñ ejarẽmose rãca Cristore mua ajitirũnu sũocatire tuoĩamasiña mua. Ñre ajitirũnrã mua ñajare, gãjerã cojoji me muare rojose yicama ña. To bajiro muare ña yiboajaquẽne, ñre ajitirũncõa ñarũgũcaju mua. <sup>33</sup> Masa ña ñaro rĩjorojuã muare ajatud'icama ña. To yicõari, mua babarãre ña ajatud'iro ñacõari, “Yua rãcana ñaama”, ñare yĩamaicaju mua. <sup>34</sup> Cristore ajitirũnrãre ña tubiberiarãre quẽne, “Yua rãcana ñaama”, ñare yĩamaicaju mua. To bajiro yirã mua ñajare, rojose muare yicama gãjerã. Cristore ajitirũncana mua ñajare, gãjerã mua tũju ejacõari, mua gajeyeũnire ãmacama ña. To ña yiboajaquẽne, Cristore ajitirũnrã ñari, “Dios ñ gotiriarore bajirone, ña ãmase rẽtoro quẽnase ñacõa ñarotire bũjaruarãja mani,

Dios ĩ ñarojua”, yivariquēnacajm̄ m̄ua. <sup>35</sup> To bajiro m̄ua yit̄uoĩacatore bajirone bajiruaroja. To bajiri, Cristore ĩre ajitir̄un̄u t̄jabetiruarãja m̄ua. <sup>36</sup> Rojose t̄am̄uoboarine, ĩre ajitir̄un̄uc̄oã ñaña m̄ua. To bajiro m̄ua bajijama, Dios ĩ bojarore bajiro yiriarã m̄ua ñajare, Dios ĩ gotiriarore bajirone õ vecajm̄ quēnaro m̄uare yir̄uc̄m̄i. <sup>37</sup> To bajiro bajiroti ti ñajare, ado bajiro gotiaja Dios ocare masa ĩna ucamasire:

“Ȳu c̄oãroc̄u Cristo yoaro meaca ejar̄uc̄m̄i. ‘To c̄õrone ejar̄uc̄aja m̄’ ȳu yiroticatore bajirone ejar̄uc̄m̄i.

<sup>38</sup> ‘Rojose magũ ñaami’ ȳu yĩavariquēnagũ, ‘Ĩ yirore bajiro yiḡu ñagũm̄i’ ȳure yit̄uoĩagũ ñari, bajiroc̄ac̄õari bero ȳu t̄ajm̄ quēnaro ñac̄õa ñarũgũroc̄u ñagũm̄i. To bajiboarine, ȳure ajitir̄un̄u t̄jagurema, ĩre ĩaquēnabetir̄uc̄aja ȳu”, yigotiaja Dios ocare masa ĩna ucamasire.

<sup>39</sup> To bajise Dios ĩ gotimasire ti ñaboajaquēne, manij̄uama, Cristore ĩre ajitir̄un̄u t̄jaroname ñaja mani. To bajiri, “Manire rijabosayumi Cristo” yit̄uoĩarã ñari, rojose t̄am̄uot̄jabetiriarojm̄ vabetic̄õari, Dios t̄ajm̄ quēnaro ñac̄õa ñarũgũrona ñaja mani.

## 11

### *Diore mani ajitir̄un̄u t̄jabetiroti queti*

<sup>1</sup> “Ĩ yirore bajiro yiḡu ñagũm̄i” Diore ĩre mani yit̄uoĩajama, ado bajiro bajiaja: “M̄uare ĩsir̄uc̄aja ȳu” manire ĩ yijama, “Bujaruarãja mani”, yit̄uoĩaroti ñaja. “To bajiro masu bajiaja” Dios ĩ yijama, maji tire ĩabetiboarine, “To bajirone

bajiroja”, yituoñaja mani. <sup>2</sup> Mani ñicua to bajiro Diore ñna tuoñajare, ñnare ñavariquēnamasiñumi Dios.

<sup>3</sup> “Í yiore bajiro yigũ ñagũmi” Diore ñre yituoñarã ñari, ado bajise yimasiaja mani: “ ‘Ruyuyaya’ Dios í yiore bajirone bajimasiñuju, adi macarucuroaye, õ vecaye quēne”, yimasiaja mani. To bajiro í yire ti ñajare, í rujeoroto ríjorojuma, manirũgũmasirere ñarũgũaja mani, adi macarucuro ñasere.

<sup>4</sup> “Í yiore bajiro yigũ ñagũmi”, Diore ñre yituoñagũ ñamasíñuju mani ñicua Abel ñamasir'i. To bajiro Diore tuoñagũ ñari, ñre rucubogũ, Dios í bojarore bajiro yigũ, vaibucure soemomasiñuju. To bajiro í yijama, í gagũ Ca'in rētoro quēnaro Diore rucubogũ yimasíñuju. To bajiri, Diojuma, “Rojose magũ ñaami”, ñre yĩlamasiñuju Dios. Abel ñamasir'i tirũmujũ í bajirocare ti ñaboajaquēne, í yimasiriarore bajiro mani quēne Diore mani rucuborujajama, Dios í bojarore bajiro yirũcuboroti ñaja manire.

<sup>5</sup> “Í yiore bajiro yigũ ñagũmi”, Diore ñre yituoñagũ ñamasíñuju Enoc ñamasir'i quēne. To bajiro Diore tuoñagũ í ñajare, “Yũ bojarore bajiro yigũ ñaami” ñre yĩlavariquēnagũ ñari, í bajirocabetone, ñre ñmicoamasiñuju Dios. To bajiri, ñre bujabetimasiñujarã masa. To bajirone gotiaja Dios ocare masa ñna ucamasire. <sup>6</sup> Ado bajiro tuoñarã ñari, Diore sēniaja mani: “Dios ñagũmi” yimasicõari, “ ‘Yũre ejarēmoña’ ñre yisēnirãre quēnaro yami” yituoñarã ñari, sēniaja mani. To bajiro mani yijama, “Í yiore bajiro yigũ ñagũmi” Diore yirã yaja. “Í yiore bajiro yigũ ñagũmi” Diore

ĭre mani yituoĭabetijama, manire ĭavariquēnabecumi Dios.

<sup>7</sup> “ĭ yirore bajiro yigũ ñagũmi”, Diore ĭre yituoĭagũ ñamasiñuju Noé ñamasir'i quēne. Ado bajiro ĭre yimasiñuju Dios: “Masa ñajedirore ruureajeocōarucija yũ. To bajiri, cũmua jairica quēnoña mũ, ‘Rujarobe’ yigũ”, ĭre yimasiñuju Dios. To bajiro ĭ yijare, bajiro tire masibetiboarine, “ĭ yirore bajiro yigũ ñagũmi” Diore ĭre yituoĭagũ ñari, ĭ gotirore bajirone yigũ, cũmua jairicare quēnomasiñuju Noé. To bajiri ĭ yarã rãca Noé ĭ rujaborotire ĭnare yirētosamasiñuju Dios. To bajiboarine, gãjerãrema ĭ rãcana ñaboariarãre, “ĭ yirore bajiro yigũ ñagũmi Dios” yituoĭamena ĭna ñajare, ĭnare yirētosabetimasiñuju Dios. Noéjũarema, “ĭ yirore bajiro yigũ ñagũmi” yũre yituoĭagũ ĭ ñajare, “Yũ ĭavariquēnarã rãcagũ ñaami, ĭ quēne”, Noére ĭre yimasiñuju Dios.

<sup>8</sup> “ĭ yirore bajiro yigũ ñagũmi”, Diore ĭre yituoĭagũ ñamasiñuju Abraham quēne. To bajiri, “Mũ ñarimacare to cōrone vaveoya mũ. Mũ ñaroti sitare mũre ujoꝛucija yũ”, ĭre yimasiñuju Dios. “ĭ yirore bajiro yigũ ñagũmi” Diore ĭre yituoĭagũ ñari, Dios ĭ rotisere ajicōari, vacoamasiñuju ĭ, ĭ ñarotire masibetiboarine. <sup>9</sup> Gãjerã ye sita ti ñaboajaquēne, “Adi sita mũre ujoꝛucija” Dios ĭre ĭ yire ñajare, “ĭ yirore bajiro yigũ ñagũmi” Diore ĭre yituoĭagũ ñari, cojoju me viriaca buacōari, ñacudirũgũmasiñuju Abraham. ĭ bajimasiriarore bajirone ñacudimasiñujarã ĭ macũ Isaac, ĭ jãnami Jacob quēne “Adi sita mũare ujoꝛucija yũ” Dios ĭnare ĭ yire ñajare. <sup>10</sup> To bajiboarine, variquēnagũ

ñacudimasiñuju Abraham, “Ō vecaju Dios ĩ quēnoría macare quēnaro ñacōa ñarũgũrũcũja yũ” yitũoĩagũ ñari.

<sup>11</sup> To bajicōari, Abraham manajo Sara, bũcũo rĩa magō ñamasiñuju so. ĩ quēne bũcũ ñamasiñuju. To bajiboarine, “Ī goticatore bajirone yirũcũmi Dios” yitũoĩagũ ñari, Dios ĩ ejarēmojare, macũ cõtĩmasiñujarã ĩna. <sup>12</sup> To bajiri, “Bũcũacoar'i ñaboarine, macũ cõtĩcōari, jãjarã jãnerabatia cõtĩrocũ ñamasiñumi. Jãjarã ñocōa ñarãre, mani cōĩajeobetore bajiro, to yĩcōari, jare mani cōĩajeobetore bajiro jãjarã jãnerabatia cõtĩrocũ ñamasiñumi Abraham”, yimasija mani.

<sup>13</sup> Abraham, Isaac, Jacob quēne, “Ī yirore bajiro yigũ ñagũmi”, Diore ĩre yitũoĩariarã ñamasiñujarã ĩna, ĩna catiñaro cōrone. Dios ĩ gotiriarore bajiro ĩnare ĩ yibetiboajaquēne, “Ī yirore bajiro yigũ ñagũmi”, ĩre yitũoĩacōa ñamasiñujarã ĩna. “Yũ bajirocaro beroju yũre ĩ goticatore bajirone yũre yirũcũmi”, yitũoĩarã ñamasiñujarã ĩna. To bajiro bajirã ñari, “Mũare ũjorũcũja yũ” Dios ĩ yire sitaju ñacudiñarã, ti sitanare ado bajise ĩnare gotĩmasiñujarã ĩna: “Adi sitajare yoaro ñabetirũarãja yũ”, ĩnare yigotĩmasiñujarã ĩna. <sup>14</sup> To bajise ĩna yijama, “Gajeye sita ĩna ñacōa ñarotire tũoĩarã yiriarãma ĩna”, yimasija mani. <sup>15</sup> ĩna vadiveoria sitare tũoĩarã ĩna yijama, quēna ti sitajare ñarã, tudicoaboriarãma ĩna. <sup>16</sup> To bajiro ĩna tũoĩajama, ĩna vadiveoria sita tũoĩarã me yiyuma. ĩna vadiveoria sita rētoro quēnari sita ō vecaju Dios ĩ ñaroju varũa tũoĩarã yimasĩñujarã ĩna. To bajiro tũoĩarã ĩna ñajare, “Yũne ñaja ĩna rũcũbũogũ; yũ yarã ñaama ĩna”,

yivariquēnamasiñuju Dios. To bajiro yigũ ñari, ñna ñaroti macare ñnare quēnobosayumi.

17-18 “¿‘Socũ mene ĩ yirore bajiro yigũ ñagũmi’ yure yitũoĩagũ ñati?” yimasirũ, ĩre rũcũbũorã, vaibũcure ñna soemũoriarore bajiro yigũ, ĩ macũ sĩgũ ñagũre sĩarotimasiñuju Dios. “Isaac suorĩ jãjarã jãnerabatia cãtirũcũja mũ” Dios ĩ yire ti ñaboajaquēne, “Mũ rotisere yibetirũcũja”, yitũoĩabetimasiñuju.

19 “Bajireariarãre ñnare tudicatiomasigũ ñagũmi Dios” yitũoĩagũ ñari, “Yũ macure yũ sĩacõajaquēne, cãtiocõarũcũmi” yitũoĩagũ ñari, ĩre ĩ sĩagũadijũne, “Ĩre sĩãbeticõãña” Dios ĩ yijare, ĩre sĩãbetimasiñuju. To bajiro ĩ yire ti ñajare, “Rijacoaboarine, tudicatigũre bajiro ĩre ĩamasiñuju Abraham”, yimasiaja mani.

20 “Ĩ yirore bajiro yigũ ñagũmi”, Diore ĩre yitũoĩagũ ñamasiñuju Isaac ñamasir'i quēne. To bajiro Diore tũoĩagũ ñari, ĩ rĩare ado bajiro ñnare gotimasiñuju, Jacob, Esaũre quēne: “Ĩ gotiriarore bajirone quēnaro mũare yirũcũmi Dios”, yimasiñuju.

21 “Ĩ yirore bajiro yigũ ñagũmi”, Diore ĩre yitũoĩagũ ñamasiñuju Jacob ñamasir'i quēne. To bajiro Diore tũoĩagũ ñari, ĩ bajirocaroto rĩjoro, ĩ macũ José rĩare, “Quēnaro mũare yirũcũmi Dios”, ñnare yimasiñuju ĩ. Bũcũ ñari, rũgõtĩmabetiar'i ñnaboarine, ĩ tueriũ suorine vũmũrũgõcõari, Diore rũcũbũomasĩñuju ĩ.

22 “Ĩ yirore bajiro yigũ ñagũmi”, Diore ĩre yitũoĩagũ ñamasiñuju José ñamasir'i quēne. To bajiro Diore tũoĩagũ ñari, ĩ bajirocaroto rĩjoro, ĩ yarãre Israel ñamasir'i jãnerabatiare ado bajiro



ĩnare gotimasiñuju: “Adi sita Egipto sitare vaveoruarãma ĩna, mua jānerabatia. ĩna vajama, yu gõare juacõari, Canaán vãme cuti sitaju yujeruarãma ĩna”, yimasiñuju.

23 “Ī yirore bajiro yigu ñagũmi”, Diore ĩre yitũoĩarã ñamasiñujarã Moisés ñamasir'i jacu, ĩ jaco quẽne. To bajiro Diore tũoĩarã ñari, Moisés ĩ ruyuario bero, idiarã muijua ĩre yayiocuomasiñujarã ĩna, “Quẽnagũaca sũcare manire ĩsiami Dios” yirã. To bajiri egipcio masa uju, Israel ñamasir'i jānerabatiare rĩamasa mũmare ĩ sĩarotiboajaquẽne, ĩre gũimena ñari, ĩ rotirore bajiro yibetimasiñujarã ĩna.

24 “Yirucuja’ ĩ yirore bajiro yigu ñagũmi”, Diore ĩre yitũoĩagũ ñamasiñuju Moisés ñamasir'i quẽne. To bajiro tũoĩagũ ñari, bucucacu, Egipto sita uju maco so masor'i ñaboarine, “Egipcio masure bajiro bajigu ñaami” masa ĩna yirucubosere bojabetimasiñuju Moisés. 25 Ado bajiro tũoĩagũ ñari, tire bojabetimasiñuju ĩ: “Adi macarucuroju yu catiñaro cõro egipcio masa rãca yu bojarore bajiro yu yijama, yu rijato beruju quẽnabetoja ti. To bajiri Israel ñamasir'i jānerabatia Dios yarã rãca baba cutirucuja yu, egipcio masa yure quẽne rojose ĩna yiroti ti ñaboajaquẽne”, yimasiñuju Moisés ñamasir'i. 26 Ado bajiro tũoĩagũ ñari, to bajiro yimasiñuju Moisés: “Egipto sitana ĩna cuose jairo vaja cuti rẽtoro ñamasuse ñaja, Cristo ĩ ejaroti Israel ñamasir'i jānerabatia ĩna gotisejuma”, yitũoĩacõamasiñuju. To bajiri, “Īna rãca yu ñajare, egipcio masa rojose yure ĩna yiboajaquẽne, quẽnacõaruroja”, yitũoĩacõamasiñuju Moisés. To bajiro ĩ tũoĩajama, ĩ

rijato bero, “Cristo suorine quēnaro yure yirucami Dios” yituoīagū yimasiñuju.

27 Egipcio masa ujū ĩ jūnisinistere güigū me, ti sitare vaveomasiñuju Moisés. “Ī yirore bajiro yigū ñagūmi Dios” yituoīagū ñari, Diore ĩre ĩabetiboarine, ĩ bojarore bajiro ĩ yirotire masicōari, vacoamasiñuju. 28 “Ī yirore bajiro yigū ñagūmi Dios” yituoīagū ñari, Israel ñamasir'i jānerabatiare “Dios ĩrotirore bajiro Pascua boserūmū yito mani” yigū, oveja sīar'i ri'ire cojovi ruyabeto sojerire turotimasiñuju. Tire ĩamasicōari, Israel ñamasir'i jānerabatia ĩna rīa cutisuararē “Dios ĩ cōagū ángel, sīagū sājabeticōato” yigū, yimasiñuju Moisés ñamasir'i.

29 “Ī yirore bajiro yigū ñagūmi Dios”, yituoīarā ñamasiñujarā Israel ñamasir'i jānerabatia quēne. To bajiro Diore tuoīarā ñari, Diore ajitirūnacōari, moa riaga Oco Sūarisa vāme cutiyare jēamasiñujarā. Dios ĩ masise suori “Riagare jēato” yigū, oco mano ĩ yibosajare, carari maare jēamasiñujarā ĩna. To bajicōari, egipcio masa ĩnare tuoruarā, suyajēamasiboayujarā. ĩna jēaejabetone, ruureacōamasiñuju Dios.

30 To bajiro ĩna bajimasiriaro bero, Israel ñamasir'i jānerabatia Jericó vāme cuti macare ēmaruarā, ti macare ĩna matariacūni suyarojuare ejacōari, cojomo cōro jua jēnitarirācarūmuri rāja gānibiarūgūmasiñujarā ĩna. To bajiro ĩna bajirone, “Ī yirore bajiro yigū ñagūmi Dios” yituoīarā ĩna ñajare, ti maca matariacūni cague vējacoamasiñuju ti.

31 Ti macago Rahab vāme cutigo, ũmware ajeriarā cuticōari, vaja sēnigō ñaboarine, “Ī yirore bajiro

yigũ ñagũmi Dios”, yitũoĩagõ ñamasĩñuju so. To bajiri Israel ñamasir'i jānerabatia jũarã ĩarudirimasa ejarãre quẽnaro ĩnare yimasĩñuju so. Quẽnaro ĩnare yirio ñari, so ya macana Diore ajirũcũbetiriarã rãca rijabetimasĩñuju.

<sup>32</sup> Jẽre jairo mũare gotibũ yũ. Tire bajiro Diore tũoĩamasiriarã jediro ĩna bajimasirere yũ ucajama, yoaro ucabogũja yũ. Gedeón, Barac, Sansón, Jefté, David, Samuel, to yicõari, Diore gotirẽtobosariarã jediro ĩna bajimasirere quẽne ucabogũja yũ. <sup>33</sup> ĩna quẽne, “Ĩ yirore bajiro yigũ ñagũmi Dios” yitũoĩarã ñari, gaje sitana rãca ĩna gãmerã sĩajama, ĩnajũa rĩne, ĩnare sĩacõarũgũmasĩñujarã ĩna. Gãjerãma, quẽnaro masare rotimasĩñujarã ĩna, ĩna yarãre, “Quẽnaro gãmerã yato” yirã. Gãjerãma, rojose tãmuorã ñari, “Yũare ejarẽmoña” yirã, Diore sēnimasĩñujarã ĩna. To ĩna yijare, ĩ gotiriarore bajirone ĩnare ejarẽmomasĩñuju Dios. Gãjerãrema, “Ĩ yirore bajiro yigũ ñagũmi” Diore ĩna yitũoĩajare, “Yaia, león vãme cutirã ĩnare babeticõato”, yiyumi Dios. <sup>34</sup> Gãjerãma, jeame buto ũjuroju ĩna reatĩariarã ñaboarine, mũabetimasĩñujarã. Gãjerãma, ĩnare ĩaterimasa jariaseri rãca ĩna sĩarũasere ĩacõari, rudimasĩñujarã. Gãjerãma, tĩmabetiboariarãne, Dios ĩnare ĩ ejarẽmojare, tĩmarã ñacoasujarã ĩna. To bajiri, ĩnare ĩaterã sĩarã ejarãre ĩnajũa rĩne sĩareacõarũgũmasĩñujarã. <sup>35</sup> Rõmia quẽne, “Ĩ yirore bajiro yigũ ñagũmi” Diore ĩre yitũoĩarã ñari, bajireacoanare Dios ĩ masise sũori ĩ catorãre yarã cutiyujarã.

Gãjerãma, “Ĩ yirore bajiro yigũ ñagũmi Dios” yitũoĩarã, ado bajiro bajiyujarã: ĩnare

Īaterimasa ĩnare ñejecōari, “Dios ocare m̄u ajitir̄uñu t̄ujabetijama, m̄ure s̄iaruar̄aja yuñ”, ĩnare yigotiyujar̄a ĩna. To bajiro ĩna yiboajaquēne, “Ī yirore bajiro yigu ñagūmi Dios” yir̄a, ĩnare güimenane, ado bajiro t̄uoĭañujar̄a ĩna: “Īna s̄iacōajaquēne, tudicaticōari, Dios t̄uj̄a r̄ētoro quēnaro ñaruar̄aja mani”, yit̄uoĭamasiñujar̄a ĩna. To bajiro yir̄a ĩna ñajare, ĩnare s̄iacōañujar̄a. <sup>36</sup> Ḡajer̄a quēne, “Ī yirore bajiro yigu ñagūmi Dios” yit̄uoĭar̄a ñari, ado bajiro rojose t̄am̄uoñujar̄a ĩna: ĩnare ajatud'icōari, ĩnare bajeyujar̄a. Ḡajer̄arema, ĩna āmorij̄u cōmemarine siacōari, tubibecūñujar̄a ĩna. <sup>37</sup> Ḡajer̄arema, ḡūtane ĩnare reasĭañujar̄a. Ḡajer̄arema, ĩna ruj̄u ḡudarecone yijetasĭacōañujar̄a. Ḡajer̄arema, jariaseri r̄āca ĩnare saresĭacōañujar̄a ĩna. Ḡajer̄ama, sudi manijare, vaib̄uc̄ugasene s̄añañujar̄a. To bajicōari ĩna ñaroti maca b̄ujamenane, maioro rojose yiecocudir̄ugūñujar̄a ĩna. <sup>38</sup> “Ī yirore bajiro yigu ñagūmi Dios”, yit̄uoĭar̄a ñañujar̄a ĩna. Dios ĩ ĩamair̄a ñaboarine, ḡajer̄a ĩna ĩater̄a ñari, ĩna ñaroti b̄ujamenane masa manoj̄u, ḡūtayuc̄ari vatoaj̄u ḡūtavirij̄u ñacudiyujar̄a ĩna.

<sup>39</sup> Rojose t̄am̄uoriar̄a m̄ure yu gotir̄a, jediro ñañujar̄a “Ī yirore bajiro yigu ñagūmi Dios” yit̄uoĭar̄ar̄a. To bajiro Diore t̄uoĭar̄a ñari, “Manire ĩavariquēnagūmi Dios”, yit̄uoĭañujar̄a ĩna. To bajise t̄uoĭar̄a ñaboarine, nij̄uane “Quēnaro yir̄uc̄aja yu” Dios ĩ yirere yiecobesuma maji. <sup>40</sup> ĩna t̄uoĭase r̄ētoro quēnase ĩ yir̄uajare, to bajiro bajiyuma maji. To bajiri, yuc̄arema, mame Dios ĩ vasoase ñajare, ĩnare, manire quēne, “Rojose mana ñaama”, yĭlagūmi Dios.

# 12

*“Cristore ajitirũnũcõa ñarũgũrũarãja mani”, yire queti*

<sup>1</sup> To bajiro mani ñicua ña bajirere mani ajijama, “ Ñ yiore bajiro yigu ñagũmi’ Diore ñre yitũoĩacõari, quẽnaro ñre ajitirũnũñuma ña”, yimasiaja mani. To bajiri josase ti ñaboajaquẽne, mani quẽne, Diore ajitirũnũ tũjabeticõato mani. Mani tũana rojose manire ña yirotijama, ñare cũdibetirũarãja mani, “Ña sũori Dios ñ bojabeti yirobe” yirã. Jesucristo, adigodojũ ñagũ Diore ñ ajitirũnũriarore bajiro mani quẽne Diore ajitirũnũcõa ñarũgũrũarãja.

<sup>2</sup> Cristore tũoĩatũjabetiroti ñaja manire. Ñe ñaami mani tũoĩamasirotire cõagũ. To bajiri, manire ñ ejarẽmojare, “Ñ yiore bajiro yigu ñagũmi Dios”, yitũoĩa tũjabeaja mani. Yucũtẽrojũ masa ñre ña jajuturo, bũto rojose tãmũogũ ñaboarine, Dios tũjũ quẽnaro ñ ñarotijũare tũoĩagũ ñari, ñre ña yirotire, “Yibeticõato”, yibesumi. To bajiri manire rijabosacõari, yucũrema, õ vecajũ Dios ñ rotiñarojũ ñ riojojacatũa rũcũbũoriajũre rujigũ ñagũmi.

<sup>3</sup> Jesús adigodojũ ñ ñaro, bũto rojose ñre ña yiboajaquẽne, quẽnasejũare yicõa ñañumi. To bajiri mani quẽne, rojose tãmũorã ñaboarine, quejemenane, quẽnasejũare yicõa ñarũgũroti ñaja. <sup>4</sup> Jesucristo rojose ñ tãmũoriarore bajiro tãmũomenaja mũa maji. To bajiri, rojose tãmũorã ñaboarine, ñacõarãja mũa. <sup>5</sup> Diore ajitirũnũrã ñari, ñ rĩare bajiro bajirãre, “Rojose tãmũorã ñaboarine, Ñ yiore bajiro yigu ñagũmi’ yure yitũoĩa tũjabeticõato ña” yigu, mũare gotimasioñumi. Tire masiritirãja mũa. Ado bajise gotiaja ti Dios ocare masa ña ucamasire:

“Масу, ‘Ado bajirojua yiya’, mure yu yisere ajitebesa. Rojose tãmũogũ ñaboarine, yu bojarore bajiro yicõa ñaña.

<sup>6</sup>Yune ña jacure bajiro bajigu ñari, yu mairãre, ‘Ado bajirojua mua yijama, quẽnarũaroja’ ñare yirũgũaja yu”, yigotiaja Dios ocare masa ña ucamasire.

<sup>7</sup>To bajiri, rojose tãmũoboarine, “Ï yiore bajiro yigu ñagũmi Dios”, yitũoĩa tujabesa mua. Rojose mua tãmũose suorine quẽnaro mure ñ yiyotire masiogũ yigũmi Dios. Sĩgũ ñ rĩare ñ gotimasiorore bajiro yigu, yigũmi Dios, “Yu bojarore bajiro yirã ñato” yigu. Rĩa cutirã jedirone, ña rĩare gotirũgũrãma. <sup>8</sup>To bajiri, Dios quẽne, “Yure ajitirũnarã ñari, yu rĩare bajiro bajirã ñaama” yigu, ñare gotimasiorũgũmi Dios. To bajiro mure Dios ñ yibetijama, jacu manare bajiro ñaborãja mua. <sup>9</sup>Mani jacua, manire ña yirere tũoĩato mani. Rĩamasaca mani ñaro rojose mani yijare rojose manire yiriarãma ña, “Yu bojarore bajiro yirã ñato” yirã. To ña yiore ajirũcũboriarãja mani. To bajiri Dios quẽne, “Yure bajiro quẽnaro yirã ñato” yigu, rojose mani yijare, rojose manire ñ yijama, butobusa ñre ajirũcũboroti ñaja manire. Ñre mani ajirũcũbojama, mani rijato bero, tudicaticõari, ñ rãca quẽnaro ñacõa ñarũgũrãrãja mani. <sup>10</sup>Mani jacua, ña gotimasiojama, ña yimasiro cõro manire gotimasioriarãma ña. Diojama, masijeogu ñari, “Ado bajirojua ña yijama, quẽnaja”, yimasigũ ñagũmi. To bajiro yigu ñ ñajare, yucurema rojose tãmũoboarine, quẽnaro ñre mani ajirũcũbo tujabetijama, ñre bajiro quẽnaro yirã ñaruarãja mani. <sup>11</sup>Rojose mani yise vaja “Rojose tãmũoato

ĩna” yigũ, Dios rojose manire ĩ yijama, sutiritirãja mani. Rojose mani tãmuosere tũoĩacõari, “Ađo bajise manire yimasioğũ yigũmi Dios” mani yitũoĩamasijama, ĩ bojarore bajiro yiroti ñaja. To bajiro mani yijama, quẽnaro ñaruarãja mani.

*“Dios ocare mani ajitirũnũ tũjajama, gũiose ñaja”, yire queti*

<sup>12</sup> To bajiri, “Dios manire ĩ gotiriarore bajirone quẽnaro yirũcũmi” mũa yitũoĩa sũocatore bajiro yitũoĩaña mũa quẽna. Tire tũoĩacõari, mũa yimasiro cõrone Diore quẽnaro ĩre ajitirũnũña mũa, “Ñajediro Dios ĩ gotiriarore bajirone quẽnaro manire yato” yirã. <sup>13</sup> To bajiri, Dios ĩ bojasere yiruarã, quẽnaro tũoĩaña mũa. Quẽnaro tũoĩacõari, ĩ bojarore bajiro mũa yijama, mũa babarã quẽne Cristore butobusa ajitirũnũuarãma ĩna.

<sup>14</sup> Mũa jediro, quẽnaro gãmerã yirũgũuarãja mũa, “Quẽnaro ñacõari, butobusa Dios ĩ bojarore bajiro yirã ñato mani” yirã. To bajiro mũa yibetijama, Diorãca quẽnaro ñabetiruarãja. <sup>15</sup> Mũa rãcana ñajedirore quẽnaro ejarẽmorũgũuarãja mũa, “Cristo sũori Dios quẽnaro manire ĩ yisere, ‘Socase ñaja’ yitũoĩaroma ĩna” yirã. Socase yigũ ĩ ñajama, “Ĭ sũorine Dios ocare ajitirũnũ tũjacõari, ĩjũare ajisũyaroma” yirã, quẽnaro gãmerã ejarẽmorũgũña. <sup>16</sup> To yicõari, “Gãmerã ajeriarã cutiroma” yirã, mũa rãcanare quẽnaro gotiruarãja mũa. Esaũ ñamasir'ire bajiro yibeticõaña mũa. Ĭ gagũ ñaboarine, bare barũne, “Yũre mũ ecajama, mũ bedire bajiro bajirũcũja yũ”, ĩre yimasĩñuju. To yicõari, “Mani jacũ ĩ rijaroto rĩjoro, ‘Yũ macũ ñasũogũ ñaami’ ĩ yirocũ ñarũcũja mũ. To ĩ yirocũ ñari, ‘Quẽnaro yirũcũja’

Dios ĩ yirere yiecorocũ ñarũcũja mũ”, yimasĩñuju Esaú, ĩ bedire. <sup>17</sup> “Dios ocare ajirũcũbũobecũ ñañumi”, ĩre yimasiaja mani, ado bajiro ĩna bajimasire ñajare: ĩ jacũ ĩ bajirocaroto rĩjoro, “ĩ gagũ ñaja mũ. To bajiri quẽnaro mũre yirũcũmi Dios”, ĩ jacũ ĩ yisere ajirũamasiboayuju Esaú. “Jẽre mũ bedijũare gotiyuja yũ” ĩ yisere ajicõari, bũto otiboarine, “Quẽnaro yirũcũja” Dios ĩ yirere bũjabetimasĩñuju Esaú.

<sup>18</sup> To bajiri, mame Dios ĩ vasoasere ajirũcũbũorã ñari, mũama, mani ñicũa ĩna ĩamasire ũnre ĩabesuja mũa. ĩnama, gũtaũjũ ñacudir'i Moisés ĩ rojaejaro bero, gũtaũ ti ũjũsere ĩañuma. To bajicõari ti bue-sene rẽtiacõamasĩñuju. Bũto bũjo quẽne jamasĩñuju. To bajicõari, mino bũto vamasĩñuju. <sup>19</sup> To bajiro ti bajirone, jutiria trompeta vãme cutia bũsitere ajicõari, bũto gũimasiñujarã ĩna. To bajicõari, Dios ĩ ocaruyusere ajimasĩñujarã ĩna. Tire ajigũicõari, to cõrone ĩ ñagõtũjasere bojamasĩñujarã ĩna. <sup>20</sup> Dios ĩ rotirere no bajiro yimasibetica yirã, “To cõrone ñagõtũjato”, ĩre yimasĩñujarã. Ado bajiro ĩnare rotimasĩñuju Dios: “Sĩgũ masũ, to yicõari, vaibũcũ ũgũ quẽne gũtaũre ĩ cudajama, gũtane reasĩacõaroti ñaja”, yimasĩñuju. <sup>21</sup> ĩna ĩamasire bũto gũiose ti ñajare, Moisés ñamasir'i quẽne, “Gũigũ, nanaja yũ”, yimasĩñuju.

<sup>22</sup> Mani ñicũa ĩna bajimasiriarore bajiro bajirã me ñaja mũama. To bajiri, õ vecajũ ñaricũ gũtaũ joejũ ñarimaca Jerusalén vãme cuti macajũ Dios ñacõa ñarũgũgũ ya macajũ ñarãre bajiro bajiaja mũa. To bajicõari, Dios tũana jãjarã ángel mesa rẽjacõari, Diore ĩna rũcũbũorojũ ñarãre bajiro ba-



jiaja m̄ua. <sup>23</sup> To bajicōari, “Ado cōro ñaama yu rāca ñarũgũrona” Dios ĩ yiuaturiarā ñari, ĩ tujũ ñarā rāca rējarāre bajiro bajiaja m̄ua quēne. Masa ñajedirore ĩabeserocu tujure gũimenane ejarāre bajiro bajiaja m̄ua. Rojose yiriarā ñaboarine, Jesũre ajitirũnuriarā ĩna ñajare, ĩ tujũ ĩna ejaro, “Rojose mana ñaja m̄ua” Dios ĩ yĩariarā rāca ñarāre bajiro bajiaja m̄ua quēne. <sup>24</sup> To bajiri, Jesũs tujũ ejarona ñaja m̄ua. ĩne ñaami, “ ‘Mame oca m̄uare vasoarũcũja yu’ Dios ĩ yiriarore bajiro bajiato” yigũ, manire rijabosar’i. To bajiri, ĩ ri’i sũorine, “Rojose mana ñaama”, manire yĩañumi Dios. To bajiboarine tirũmũju, Abel ñamasir’i ĩ sĩaecomasiřejũama, “Ĭ ri’i sũorine ‘Rojose mana ñaama’ masare Dios ĩ yĩaroti me ñamasĩũja”, yimasiaja mani.

<sup>25</sup> To bajiri Cristo ĩ rijabosare sũorine mame oca Dios ĩ vasoarere ajitirũnuroti ñaja. Moisés ñamasir’ire Dios ĩ roticũmasirere cojõji me ĩna cũdibetijare, rojose ĩnare yirũgũmasiñũju Dios, “Yitũjacōari, yu bojasejũare yato ĩna” yigũ. To bajiro ĩ yimasire ñajare, mame ĩ vasoasere quēne mani ajibetijama, “Rojose manire yirũcũmi”, yimasiaja mani. <sup>26</sup> Gajeyerema tirũmũju mani ñicũa ñamasiriarāre gotigũ, sita nũũaroju ñagõmasiñũju Dios. ĩ ocare masa ĩna ucamasire quēna ĩ yiroti adõ bajiro gotiaja: “Quēna yinũũojama, adi macarũcũroaye, õ vecayere quēne yinũũobatorũcũja yu”, yigotiaja, Dios ocare masa ĩna ucamasire. <sup>27</sup> To bajiro quēna Dios, “Yirũcũja” ĩ yirere mani ajijama, “Adi macarũcũro ñase jediro ĩ rujeorere reajeocõarũcũmi”, yimasiaja mani. Rẽmojũne “Yayibetirũaroja” ĩ

yirujeore rĩne r̄ayar̄aroja ti. <sup>28</sup> To bajiri socase me ti ñajare, “Diore ajitir̄n̄ariar̄ã ñna bajireajama, ĩ rotiñaroj̄ũ ñna caticõa ñarotire yiḡũ, ĩ catisere ĩ ĩsiriar̄ã ñari, ĩ r̄ãca ñar̄ũḡũr̄ar̄ãma”, yimasiaja mani. To bajiro mani bajiroti ti ñajare, Diore r̄ãc̄ub̄or̄ã, “Quẽnaro yuare yaja m̄ũ”, ĩre yisẽnito mani. To yicõari, ĩ bojarore bajiro yir̄ũḡũto mani, “Manire ĩaj̄ũnisinicõari, rojose manire yiromi” yir̄ã. <sup>29</sup> ĩ bojabeti yir̄ãre rojose yiḡũ ĩ ñajare, ĩ bojarore bajiro yiroti ñaja manire.

## 13

*“Ĭavariquẽnato Dios” yir̄ã, quẽnaro mani yiroti queti*

<sup>1</sup> To bajiri adi m̄ũare gotit̄usaja yũ: Ado bajiro yiñaña m̄ũa, “Manire ĩavariquẽnato Dios” yir̄ã. Cristo yar̄ã ñari, ḡãmer̄ã ĩamaitujabesa m̄ũa.

<sup>2</sup> Gajeroana m̄ũa masimena Cristore ajitir̄n̄ar̄ã m̄ũa tũ ñna ejajama, quẽnaro ĩnare yir̄ũar̄ãja m̄ũa. Mani ñic̄ua quẽne, gajeroana ĩna masimena ĩna ejaboajaquẽne, quẽnaro ĩnare yir̄ũḡũmasiñujar̄ã ĩna. To yir̄ã ñari, cojojirema ángel mesare “Dios ĩ cõariar̄ã ñar̄ãma” yimasibetiboarine, quẽnaro yimasíñujar̄ã ĩna.

<sup>3</sup> Gãjer̄ã Cristore ajitir̄n̄ar̄ãre tubibe ecor̄ãre masiritibesa m̄ũa. Mani quẽne mani tubibe ecojama, “Quẽnabetoja” yit̄ũoĩar̄ã ñari, ejarẽmoña. Gãjer̄ãre quẽne, rojose ĩnare ĩna yijama, m̄ũa quẽne ĩna r̄ãca rojose t̄ãm̄ũor̄ãre bajiro ĩnare ĩamaicõari, ejarẽmoña m̄ũa.

<sup>4</sup> Gãmer̄ã m̄ũa bojasere quẽnaro r̄ãc̄ub̄or̄oti ñaja. Manajo c̄ũtir̄ã, manaj̄ũ c̄ũtir̄ã, manajo mana,

manajū mana quēne gājerā rāca ajeriarā cutibesa. To bajiro m̄ua yijama, “Rojose tām̄uor̄uarāma”, m̄uare yir̄uc̄m̄i Dios.

<sup>5</sup> Jairo gājoa c̄uor̄ua t̄uoīabesa m̄ua. Mojoroaca c̄uor̄ā ñaboarine, “Jēre ñac̄ōaja”, yit̄uoīac̄ōañā m̄ua. Ado bajiro Dios ī yirej̄uare t̄uoīañā: “M̄ure vaveobec̄ane, m̄u rāca ñac̄ōa ñar̄ūḡūr̄uc̄s̄ja ȳu”, yiyumi Dios, manire. <sup>6</sup> To bajiro ī yirere mani ajijama, “Soc̄u me yiyumi” yimasic̄ōari, Dios oca ti gotirote bajiro ado bajiro yimasiaja mani:

“Dios ñaami rojose ȳu tām̄uoro, ȳure ejarēmoḡā. To bajiro rojose ȳure yir̄āre güibeaja ȳu”, yaja mani.

<sup>7</sup> Cristo ocare m̄uare gotimasios̄uc̄ana ñna bajicature masiritibesa m̄ua. “Ī yirore bajiro yiḡu ñaḡūmi Cristo” yit̄uoīarā ñari, ĩre ajitir̄ān̄u t̄ujamenane, bajireacoacama ñna. ĩna bajicatore bajiro, Cristore ajitir̄ān̄u t̄ujabesa m̄ua quēne.

<sup>8</sup> Jesucristo ñaḡūmi t̄uoīavasoabec̄u, cojojire bajiro quēnaro yir̄ūḡūḡū. To bajiri m̄uare gotimasios̄uc̄anare quēnaro ĩnare ejarēmor'i, manire quēne to bajirone ejarēmoc̄ōa ñar̄ūḡūr̄uc̄m̄i.

<sup>9</sup> M̄uare ñna gotimasios̄uc̄atire bajiro me, ricati ñna gotimasiosere ajitir̄ān̄ubetic̄ōañā m̄ua. Ado bajiro m̄uare gotir̄ūḡūr̄āma ñna: “‘Babetir̄uar̄āja m̄ua’ mani ñic̄ua ñamasiriarā ñna yimasirere m̄ua ajir̄uc̄b̄uojama, quēnaja”, m̄uare yir̄āma ñna. To bajiro m̄uare ñna yigotise me, ado bajiro m̄ua yit̄uoīar̄ūḡūsej̄ua ñaja quēnase: “Dios manire ĩamaic̄ōari, manire ejarēmor̄uc̄m̄i” m̄ua yit̄uoīar̄ūḡūsej̄ua ñaja quēnase. To bajiro m̄ua t̄uoīajama, b̄utob̄usa ī bojarore bajiro yir̄ā ñar̄ūtuar̄uar̄āja m̄ua.

10 Cristo manire ã rijabosare s¸ori Mois¸ere Dios ã rotic¸umasirore bajiro me bajaia. Mois¸ere Dios ã rotic¸umasirere ajitir¸n¸r¸, rojose ãna yisere “Masirioato Dios” yir¸, “Vaib¸c¸r¸ soem¸oc¸a ãaroti ãaja” yit¸o¸iar¸ ãna ãajare, “Rojose mana ãaama”, ãnare y¸abec¸umi Dios. Manij¸arema, vaib¸c¸ rii ãna soem¸ose ãnirene yig¸, Cristo ã rijabosare s¸ori, “Rojose mana ãaama” Dios ã y¸iar¸ ãaja mani. 11 Mois¸ere Dios ã rotic¸umasirere ajitir¸n¸g¸ paia u¸ ãamasug¸ma, vaib¸c¸ ãna s¸ar'i ri'i ¸oriabajare ¸mis¸jac¸umi, Dios ã ãaris¸a v¸me c¸ti s¸aj¸, “Rojose ãna yisere masirioato Dios” yig¸. ã s¸atoye, vaib¸c¸ ruj¸j¸arema ti maca soj¸aj¸ ¸mivac¸ari, soerocac¸ar¸ma ãna, ãre ãater¸ ãari. 12 To bajiro vaib¸c¸re ãna ãaterore bajiro bajiyumi Jes¸s qu¸ene. Jerusal¸n maca soj¸aj¸ yuc¸t¸eroj¸ jajus¸ia ecoyumi, rojose mani yisere manire yir¸tobosagu. To bajiro bajiyumi, “Rojose mana ãaama” manire Dios ã y¸iarotire yig¸. 13 To bajiro Jes¸s ã bajibosare ãajare, Mois¸ere Dios ã rotic¸umasirere ajitir¸n¸r¸ rojose m¸are ãna yiboajaqu¸ene, tire ajir¸c¸b¸o t¸jac¸ari, mame Dios ã vasoarej¸are ajitir¸n¸aroti ãaja m¸are. 14 To bajiro bajir¸ar¸ja m¸a, adigodoayere t¸o¸abetic¸ari, “Dios ã ãarimaca ãaja mani ãac¸a ãar¸g¸roti maca” yit¸o¸iar¸ ãari. “Adi macar¸c¸roj¸rema manoja mani ãac¸a ãar¸g¸roti maca”, yimasir¸ja m¸a. 15 To bajiri, Jesucristo ã rijabosare s¸ori, Dior¸ca mani ãac¸a ãar¸g¸roti ti ãajare, vaib¸c¸r¸re s¸iac¸ari, ãna soem¸ose ãnirene yir¸, “Qu¸enamasuc¸aja m¸” Diore yir¸c¸b¸o t¸jabetiroti ãaja, manire. 16 To yic¸ari, “Qu¸enaro g¸mer¸ yiroti ãaja manire” yirere

masiritibeticōaña m̄ua. To yicōari, m̄ua t̄uana maioro ña bajisere masicōari, m̄ua c̄uose ñare ïsiña. To bajiro m̄ua yijama, Dios ï ïavariquēnase yirā, yir̄uarāja m̄ua.

<sup>17</sup> M̄uare ūmato ñarāre quēnaro c̄adiya m̄ua. “¿No bajiro ñare ïatir̄un̄cati m̄ua?” manire yisēniñagūmi Dios” yimasirā ñari, tocārācarūm̄une, “Diorāca quēnaro ñato ña” yirā, m̄uare ïatir̄un̄arūgūrāma ña. To bajiri, quēnaro ñare m̄ua c̄adijama, to bajiro m̄ua yisere, “Ado bajiro quēnaro m̄uare ajitir̄un̄cama ña”, Diore ïre yivariquēnar̄arāma ña.

<sup>18</sup> To bajiri, “Dios ï bojarore bajirone yato ï” yirā, Diore ȳre sēnibosaya. Dios ï bojase jediro yir̄ugūaja ȳ. To bajiro yiḡu ñari, t̄uōïarejaibec̄une ñacōaja ȳ. <sup>19</sup> To yicōari, yoaro mene quēna m̄ua t̄u ȳ varotire yirā, ȳre sēnibosaya m̄ua, Diore.

### *“Quēnaro m̄uare yato Dios”, yire queti*

<sup>20</sup> “Quēnaro ñato ña” yiḡu manire ejarēmogūmi Dios. Ñe ñagūmi, mani ūju Jesús manire ï rijabosaro bero, ïre catior'i, ïre catiocōari, “Ovejare ïatir̄un̄gūre bajiro, ȳ yarāre quēnaro ñare ïatir̄un̄ar̄c̄aja m̄u” ïre yir'i. Jesús ï rijabosare s̄orine, “Rojose ña yisere masiriocōari, quēnaro yir̄uc̄aja ȳ” masare Dios ï yimasiriarore bajirone bajiyuja. To bajiro ï yise jedibetir̄aroja. <sup>21</sup> Ado bajiro Diore m̄uare sēnibosaja ȳ: “M̄u bojarore bajiro yato ña' yiḡu, ñare ejarēmoña m̄u”, m̄uare yisēnibosaja ȳ, Diore. “Jesucristo ï ejarēmose rāca quēnaro yaja m̄ua' yivariquēnato” yiḡu, Diore m̄uare sēnibosaja ȳ. Quēnarētogū Cristo ï ñajare,

“Quēnamasucōaja m̄”, ĩre yirūcubuo t̄jabetiroti ñaja, manire. To bajirone bajicōa ñarūgũato.

<sup>22</sup> Mojoroaca m̄are papera uacōaja ȳ. To bajiri, “B̄utobusa, ‘Ī yirore bajiro yiḡ ñaḡmi’ Cristore ĩre yit̄oĩato ĩna” yiḡ, m̄are ȳ go-tisere quēnaro tire ajimasiña m̄a, ȳ mairã.

<sup>23</sup> Mani maiḡ Timoteore ĩna tubiber’ire j̄ere ĩre bucōañujarã. To bajiri, yoaro mene ĩejajama, ĩrãca m̄a t̄ju var̄c̄ja ȳ.

<sup>24</sup> M̄are ũmato ñarimasa, to yicōari, m̄a rãcana Jesucristore ajitir̄n̄rã jediro, “Quēnato”. “Quēnato”, m̄are yama Italia sitana quēne.

<sup>25</sup> Dios, m̄are ĩamaiḡ ñari, quēnaro m̄are yato ĩ.

To cōro ñaja.

**Dios oca gotirituti**  
**New Testament in Barasana-Eduria**  
**(CO:bsn:Barasana-Eduria)**

copyright © 2010 Wycliffe Bible Translators, Inc.

Language: Barasana-Eduria

Translation by: Wycliffe Bible Translators, Inc.

**Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Barasana-Eduria

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 21 Feb 2024 from source files  
dated 29 Jan 2022

b6661d38-f021-5259-8010-5dec5b9ba28d